












# সামান্য-যুগের ভারত ।



“ঐতিহাসিক চিত্র” ভূতপূর্ব সহকারী সম্পাদক

শ্রীসুরেন্দ্রনাথ মিত্র-প্রণীত ।

১



বৈদ্যবাটি যুবক সমিতির সম্পাদক  
শ্রীযুক্ত নিশ্চল চন্দ্র ঘোষ বি, এল, কর্তৃক  
প্রকাশিত ।

প্রিন্টার—শ্রী আশুতোষ বন্দ্যোপাধ্যায়  
মেট্‌কাফ্‌ প্রিন্টিং ওয়ার্কস্‌,  
৩৪নং মেছুয়াবাজার ষ্ট্রীট্‌,—কলিকাতা।

## নিবেদন

প্রায় দুই বৎসর পূর্বে, রামায়ণ সম্বন্ধে কতিপয় প্রবন্ধ লিখিয়া, নানা মাসিক পত্রিকায় প্রকাশ করি। সেইগুলি স্থানে স্থানে পরিবর্তন করিয়া, পুস্তকাকারে প্রকাশ করিলাম। রামায়ণ সম্বন্ধে ইংরাজ ঐতিহাসিকগণ নানা কথা বলিয়া থাকেন, যাঁহারা ইতিহাস বিশেষ আলোচনা করেন না এবং যাঁহারা ইংরাজি সাহিত্যের সহিত বিশেষ পরিচিত নন, যাঁহাতে তাঁহারা সেই মতগুলির একত্র সমাবেশ দেখিতে পান, সেই উদ্দেশ্যে এই পুস্তিকা রচিত। ইহাতে কোন নূতন কথা বলিবার চেষ্টা করি নাই, কেননা সে ক্ষমতা আমার নাই।

এই গ্রন্থ রচনা করিবার কালে আমি আমার বহু বন্ধুর নিকট যথেষ্ট সাহায্য পাইয়াছি। এই অবসরে আমি তাঁহাদিগের প্রতি কৃতজ্ঞতা জানাইতেছি। ইহা মুদ্রিত ও প্রকাশ করিবার পক্ষে আমার কবি বন্ধু শ্রীযুক্ত কিশোরী মোহন ঘোষাল বি-এল ও শ্রীযুক্ত হরিদাস গঙ্গোপাধ্যায় যথেষ্ট উৎসাহ দিয়াছেন, এমন কি—তাঁহারা পুস্তকের বহু স্থানের প্রুফ দেখিয়া, আমাকে অসীম কৃতজ্ঞতাপাশে বদ্ধ করিয়াছেন। পরিশেষে যুবক সমিতির সম্পাদক শ্রীযুক্ত নির্মল চন্দ্র ঘোষ বি-এল সভ্যগণের অনুমতিক্রমে সমিতির ব্যয়ে গ্রন্থ মুদ্রিত করায়, গ্রন্থের সমুদায় সম্ব সমিতিতে দান করিলাম।

বহু ভাষাবিদ্র শ্রদ্ধেয় অধ্যাপক শ্রীযুক্ত অমূল্য চরণ ঘোষ বিভাভূষণ গ্রন্থের ভূমিকা লিখিয়া দিয়া গ্রন্থের গৌরব বৃদ্ধি করিয়াছেন। মাদ্রাস অকুতী সাহিত্যিকের প্রতি এবস্থিৎ ব্যবহার উদারতার পরিচায়ক। তাঁহার এই ঋণ শোধ করা আমার পক্ষে অসম্ভব।

বৈদ্যবাটী যুবক সমিতি। }  
১লা ফাল্গুন ১৩১৯। }

বিনীত  
গ্রন্থকার





# রামায়ণ-যুগের ইহা

## রামায়ণের রচনাকাল।

আমরা বাল্যকাল হইতে শুনিয়া আসিতেছিলাম যে, রামায়ণ আমাদের দেশের আদিকাব্য। আদি কবি বাল্মীকি ইহার প্রণেতা। ত্রেতাযুগে নররূপী নারায়ণের সহিত অসভ্য রক্ষঃগণের যে সংগ্রাম হয়, তাহাই প্রাধানতঃ অবলম্বন করিয়া এই মহাকাব্য রচিত। তারপর একদিন ইংরাজ গুরুমহাশয়ের নিকট শুনিলাম যে, রাম নামে কোন নৃপতি যে অযোধ্যার সিংহাসন অলঙ্কৃত করিয়াছিলেন, সে বিষয়ের প্রমাণাভাব। রাম-লক্ষণ প্রভৃতি চরিত্রসমূহ কবির স্বকপোল-প্রসূত। আর্থের সহিত অনার্য্য সংঘর্ষ অবলম্বন করিয়া, আর্থ্য-সভ্যতাবিস্তারের কাহিনী ইহাতে গল্পের ছলে বিবৃত হইয়াছে। ইহা ব্যতীত আখ্যানমালার প্রতিপাদ্য বিষয় আর কিছু থাকিতেই পারে না। \* ইহা হইতে তৎকালীন সমাজ সম্বন্ধে দুই একটা ঐতিহাসিক প্রশ্নের সমাধান হওয়া সম্ভবপর। এই হিসাবে ইহার যা কিছু মূল্য। ১

\* স্বর্গীয় রমেশচন্দ্র দত্ত মহাশয়েরও এই মত। তাঁহার “Ancient India” নামক গ্রন্থে লিখিত। তিনি পৃষ্ঠাই বলিয়াছেন :—The Ramayan, then like the Mahabharata, is utterly valueless as a narrative of historical events and incidents. As in the Mahabharata, so in the Ramayan, the heroes are myths, pure and simple,—P. 147-148.

১। Ancient India গ্রন্থে।

আমরা এই কথা মুখস্থ করিয়া হস্তর পরীক্ষা-সিদ্ধি অবাধে উদ্ভীর্ণ হইয়াছি। তখন রামায়ণ সম্বন্ধে ইহাই চূড়ান্ত সিদ্ধান্ত বলিয়া জানিতাম। কিন্তু ঐতিহাসিক পাঠকমাত্রেই অবগত আছেন যে, রামায়ণ সম্বন্ধীয় কোন প্রশ্নেরই চূড়ান্ত নিষ্পত্তি আজও হয় নাই। যুরোপীয় বহু কৃতবিদ্য ব্যক্তি এবং বঙ্গ-গৌরব রাজেন্দ্রলাল ও রমেশচন্দ্র স্বীকার করিয়াছেন যে, রামায়ণ-ঘটিত প্রশ্নের মীমাংসা করা সহজ নহে। অতএব পরে কা কথা ! নানা ব্যক্তি ইহার নানারূপ অর্থ করিয়া ইহার রচনাকাল নির্ধারণ করিতে চেষ্টা করিয়াছেন ; কাহারও সহিত কাহারও মিল নাই। আমরা সংক্ষেপে কয়েকটি মত উদ্ধৃত করিতেছি।

Mrs. Manning বলেন যে, রামায়ণ আর্য্য-সভ্যতা-বিস্তারের ঐতিহাসিক কাহিনী। দাক্ষিণাত্যে আর্য্য-সভ্যতা রামায়ণের কাল হইতেই বদ্ধমূল হয়। অনার্য্যরাজ রাবণের ভ্রাতা বিভীষণকে ব্রাহ্মণ্যধর্মে দীক্ষিত করিয়া, রামচন্দ্র মালবারের সম্মিহিত ভূখণ্ডে আর্য্য-সভ্যতা স্থাপন করেন। \* তিনি রাম-চরিত্রকে কাল্পনিক বলিয়া মনে করেন না। কিন্তু তাঁহার এই মত সর্ব্ববাদিসম্মতিক্রমে গৃহীত হয় নাই। যে সকল যুরোপীয় পণ্ডিত রামায়ণকে কাল্পনিক বলিয়া মনে করেন, বৌদ্ধশাস্ত্রবিৎ বিখ্যাত পণ্ডিত রিস্ ডেভিড্‌স্ তন্মধ্যে অগ্রতম। তিনি বলেন,—বেদের দেবতাগণ যেরূপ কল্পিত, সেইরূপ রামায়ণের চরিত্রগুলিও কবির

\* This story most probably refers to a *real expedition* through the Peninsula of India and to *real victories* in the South. \* \* \* We already observed on the occasion of Agasty's making his way to the South of the Vindya Hills. that Brahmanical colonization then began, and the goodness of Vibhishana, who was brother to the bad Ravan, all may have been one of its results.—Ancient and Mediæval India Vol II. P 25.

মনঃকল্পিত—বাস্তব-জগতে তাঁহাদিগের কোন অস্তিত্ব নাই। বেদে যেরূপ কৃষির উন্নতির জন্য নানা দেবতার কল্পনা করা হইয়াছে, রামায়ণে বর্ণিত কাহিনীও সেইরূপ কৃষিবিষয়ক উন্নতির রূপক ব্যাখ্যা মাত্র। \* বেবর, জেকোবী, হণ্টার প্রমুখ বহু পাশ্চাত্য পণ্ডিতগণ এই মতেরই পক্ষপাতী। ইহাদিগেরই মত হণ্টার সাহেব স্বীয় গ্রন্থमध्ये নিবন্ধ করিয়াছেন ; তাহার ভাবার্থ এই :—রামায়ণ গ্রন্থখানি দাক্ষিণাত্যে আৰ্য্য-সভ্যতা ও কৃষিজ্ঞান বিস্তার বিষয়ক একটা রূপকথা (allegory) মাত্র। সীতা কোন বাস্তব চরিত্র নয় ; ইহা ভূমিকর্ষণোপযোগী লাল্পলের ফলাখানা। অনার্য্যগণই রাক্ষসরূপে বর্ণিত হইয়াছে। রাক্ষসগণ কর্তৃক সীতা অপহরণের অর্থ আৰ্য্য-সভ্যতাদ্বেষী অনার্য্যগণ কর্তৃক আৰ্য্যসভ্যতা বিষয়ক কৃষিজ্ঞানের উপর নির্যাতন। রাম (বলরাম) ইহাদিগের হস্ত হইতে কৃষি রক্ষা করেন, ইহাই রামায়ণের উদ্দেশ্য। >

\* We must accept Professor Jacobi's happy suggestion as to the Mythological basis of the latter part of the Ramayan. Valmiki, in transplanting the ancient myth of the atmospheric battles from the heavens to the earth, in turning the deities of ancient poetry into human heroes, in raising up to the level of those heroes the local deities of agriculture, naturally chose as the district he localises so revolutionary a story, a land, Lanka, with all the charm of mystery.—*Budhist India*. Footnote P. 31-32.

১। অনার্য্যগণ সমাজ মানিত না। তাহারা বনে জঙ্গলে বিচরণ করিত ; সমাজ ও সভ্যতার মূল কৃষির উপর অত্যাচার করিয়া, আৰ্য্যসভ্যতার প্রতি বিদ্বেষ প্রকাশ করিতে তাহারা কখন সঙ্কুচিত হইত না, এই ঐতিহাসিক তথ্যের উপর নির্ভর করাতে এই মত প্রচারিত হইয়াছে। হণ্টার সাহেবের কথা এই :—The heroine of the Ramayan, Sita, literally the field furrow \* \* \*. She represented the Aryan husbandry and has to be defended against the raids of the aborigines by the hero, Rama \* \*. From this abstract point of view, the Ramayan exhibits the progress of the Aryan plough-husbandry. Hunter's History. Indian Antiquary গ্রন্থে Weber, এবং Pickford ঠিক এই কথাই বলিয়াছেন।

আমাদিগের হৃদয় যে আমাদিগকে ইহা বিশ্বাস করিতে হয়, এবং ইহার প্রতিকূলে প্রমাণ থাকিতেও পারে, ইহা একবার না ভাবিয়া, আমরা এই মতকেই চূড়ান্ত বলিয়া মানিয়া লই ; এবং দেশের ঐতিহাসিকগণ বিজ্ঞাপনের ঢকায় এই “সত্য” (১) প্রচার করেন ! ১ ইহা কি কম বিড়ম্বনার কথা ? ইহার উপর আবার জার্মান পণ্ডিত বেবার প্রমাণ করিতে চান যে, রামায়ণ হোমার কৃত গ্রীক কাব্যের অনুবাদ !! তিনি অল্পত্র প্রতিপন্ন করিতে চেষ্টা করিয়াছেন যে, বৌদ্ধদিগের দশরথ জাতকের মূল উপাখ্যান লইয়াই রামায়ণের উপাখ্যানাংশ পরিপুষ্ট হইয়াছে । ২ এই সঙ্গে আর এক ব্যক্তির মত উদ্ধৃত করিয়া, আমাদিগের বক্তব্য লিপিবদ্ধ করিব । রেভারেণ্ড ক্লঞ্চনোহন বন্দ্যোপাধ্যায়ের নাম অনেকেই শুনিয়াছেন । বন্দ্যোপাধ্যায় মহাশয় পাণ্ডিত্যে কোন যুরোপীয় পণ্ডিত অপেক্ষা কোন অংশে নূন ছিলেন না । স্মৃতরাং তাঁহার মত এ স্থলে উদ্ধৃত করা প্রয়োজন মনে করিতেছি । তাঁহার মত সংক্ষেপতঃ এই :—রাবণ বাইবেলে বর্ণিত “The Evil One” । পাপ সমূলে দমন করিবার জন্ত মর্ত্যরাজ্যে ঈশ্বরের আবির্ভাবের যে কথা বাইবেলে দেখিতে পাওয়া যায়, তাহাকে অবলম্বন করিয়া, ও সেই অবতারের হস্তে পাপের ধ্বংস দেখাইবার জন্ত রামায়ণ রচিত হইয়াছে । স্মৃতরাং রামায়ণকে খৃষ্টধর্মের অভিব্যক্তিরূপক ব্যাখ্যা বলা যাইতে পারে । \*

১ । প্রক্লেয় রমেশচন্দ্র দত্ত মহাশয়ও এই মত পোষণ করিতেন । তাঁহার Ancient India গ্রন্থে দ্রষ্টব্য ।

২ । Weber's Sanskrit Literature

\* We have now to declare in concluding this Chapter that to the Mosaic narrative of the fall must be attributed the great idea with which the incarnation of Rama was fraught ; it was necessary for a divine person to be made flesh and to assume human nature in order to encompass the destruction of the Devil and His works.—The Aryan Witness P. 153.

এইবার উপরি উক্ত মতগুলির আলোচনা করা যাউক । যাহারা রামায়ণের উপাখ্যানভাগকে বৌদ্ধ জাতক হইতে গৃহীত বলিয়া মনে করেন, অগ্রে তাঁহাদিগের কথাই বলিতেছি । জার্মান অধ্যাপক বেবারই এই মত পোষণের পক্ষে অগ্রণী । দশরথ জাতকের সহিত রামায়ণের স্থলবিশেষে সাদৃশ্য লক্ষ্য করিয়াই তিনি এই মত প্রচার করিয়াছেন । ইহার বিরুদ্ধে যে কোন যুক্তি থাকিতে পারে, তাহা তিনি স্বীকারই করেন না । ইহার উত্তরে, আমাদের বক্তব্য এই যে, দুইখানি পুস্তকের মধ্যে সাদৃশ্য দেখিয়াই বলা চলে না দশরথ জাতক রামায়ণের পূর্ববর্তী । কোন অনুমানের উপর নির্ভর করিয়া, এত বড় একটা যুক্তি প্রতিষ্ঠা করিতে যাওয়া বিড়ম্বনা মাত্র । এতদ্ভিন্ন রামায়ণকে বৌদ্ধযুগের পূর্ববর্তী বলিয়া বিশ্বাস করিবার পক্ষে যথেষ্ট ঐতিহাসিক প্রমাণ আছে বলিয়াই মনে হয় । রামায়ণ-যুগের সভ্যতা, সমাজ ও জনপদসমূহের আলোচনা করিলে দেখিতে পাওয়া যায় যে, রামায়ণের রচনাকালে বৌদ্ধযুগ ভবিষ্যতের গর্ভে নিহিত ছিল । নতুবা আমরা রামায়ণের কোন স্থলে না কোন স্থলে বৌদ্ধ জনপদসমূহের উল্লেখ দেখিতে পাইতাম । যে সমুদায় প্রসিদ্ধ জনপদ বৌদ্ধধর্মের আবির্ভাবে সৃষ্ট হইয়াছিল, রামায়ণযুগে তাহাদিগের অস্তিত্ব থাকিলে, মহাকবি জনপদপ্রসঙ্গে নিশ্চয়ই তাহাদিগের উল্লেখ করিতেন । ১ আমরা “রামায়ণের সভ্যতা” শীর্ষক অধ্যায়ে স্পষ্টই দেখাইব যে, রামায়ণী সভ্যতা বৌদ্ধ-

১। Pataliputra, the Capital of Magadh was founded about 380 B.C. is not mentioned in the Ramayana although other cities such as Kausambi and Kanyakubja are referred to in it. The name of the Capital of Kosala is invariably given in the Ramayan as Ajodhya which in Budhist time was designated as Saketa. Mithila and Visali are two separate cities while in Budha's time, they had coalesced into one—Sirdar Mudhao Rao V. Kebb Saheb M.A. (See Modern Review for 1910).

যুগ-প্রসূতা সভ্যতা অপেক্ষা প্রাচীনতর; কেন না বিবাহাদি ব্যাপারে তাহা তখনও অনেক স্থলে আদিম অবস্থাপন্ন ছিল। ঐতিহ্যভীতি রামায়ণে বৌদ্ধধর্মের প্রকৃতি ও সভ্যতাগত সাদৃশ্যের একান্তই অভাব, এ কথা যে কোন নিরপেক্ষ ঐতিহাসিককে স্বীকার করিতেই হইবে। \*

ঐতিহ্যভীতি আর একদল লোক বিশ্বাস করেন যে, হিন্দুগণ গ্রীকদিগের নিকট হইতে হোমারের গ্রন্থের আখ্যানভাগ গ্রহণ করিয়া রামায়ণ রচনা করিয়াছেন। তাঁহাদিগের যুক্তি এই যে, আলেকজান্ডারের ভারত আক্রমণের ফলে ভারতের সহিত গ্রীসের সৌহার্দ্য স্থাপিত হয়। ইহার ফলে হিন্দুগণ গ্রীকদিগের নিকট হইতে বহু বিষয় শিক্ষা করিয়া থাকিবেন। এই সময়েই তাঁহারা হোমারের অনুকরণে রামায়ণ রচনা করিয়াছেন। হায় দুর্ভাগ্য! যাহারা একদিন জগতে জ্ঞান বিস্তার করিয়াছেন, আজ অভিনব ঐতিহাসিকের হস্তে পড়িয়া প্রতিপন্ন হইতেছে যে, তাঁহারাই একটা উপাখ্যানের জন্ত পরের দ্বারে হাত পাতিয়াছিলেন! ইহা কি কম বিড়ম্বনা !!

রামায়ণের উপাখ্যানভাগ যে হোমারের কাব্য হইতে গৃহীত, ইহা প্রমাণ করিবার পক্ষে বেবার সাহেব যতগুলি মজীর হাজির করিয়াছেন, তন্মধ্যে উভয় গ্রন্থের সাদৃশ্যকেই তাঁহার মত পরিপোষণের পক্ষে অকাটা যুক্তি বলিয়া মনে করেন। কিন্তু পণ্ডিতপ্রবর লেসেন তাঁহার যুক্তির অসারতা দেখাইয়া বলিয়াছেন, উভয় গ্রন্থের সাদৃশ্য দেখিয়া

\* The worship of Vaidic deities, the preponderance of sacrifice, the free eating of flesh by Brahmins and Kshatriyas, the latter's proficiency in the Vedas and the Vedic deities, all show a state of society, and a civilization, a religion, uncontaminated by feelings and ideas which had their rise in Buddhism.—The Riddles of the Ramayana.

ইহাই স্থিরীকৃত হয় যে, উভয় কবিই এই সাধারণ ও প্রাচীনতর প্রবাদ হইতে আপনাদিগের গ্রন্থের উপাখ্যানভাগ সংগ্রহ করিয়াছেন । নতুবা বাস্তবিকি যে হোমারের নিকট উপাখ্যানাংশের জন্ত ঋণী এক কথা বলা চলে না । ১ কিন্তু আমাদের বিশ্বাস যে, হোমার ভারতের নিকট বহু অংশে ঋণী, এ বিষয়ে প্রমাণের অভাব নাই ।

The Ancient Classics for English Readers নামক গ্রন্থ পাঠ করিলে, এই বিশ্বাস আরও বদ্ধমূল হইয়া পড়ে । উক্ত গ্রন্থের ভূমিকায় সম্পাদক মহাশয় স্পষ্টতঃ বলিয়াছেন যে, হোমার তাঁহার কাব্যের উপাখ্যানের জন্ত ভারতবাসীর নিকট প্রভূত ঋণী । হোমারের ওডেসী (Odyssey) পড়িলে স্পষ্টই মনে হয় যে, তিনি ভারতে পরিভ্রমণ করিয়াছিলেন । এরূপ ক্ষেত্রে গ্রীক কাব্যের সহিত রামায়ণের সাদৃশ্য দেখিয়া, রামায়ণকে গ্রীক কাব্যের অনুকরণ বলিয়া অঙ্গীকার করিয়া লওয়া কখনই সমীচীন নয় । \*

বেবার সাহেব রামায়ণে যবন শব্দের উল্লেখ দেখিয়া, অনুমান করেন যে, ইহা খৃষ্টীয় প্রথম শতাব্দীতে রচিত হইয়াছে । রামায়ণের নানা স্থানে যবন শব্দের উল্লেখ আছে । ২ ইহারা কাহারো ? বেবার সাহেব

১। Prof. Lassen on Waber's Dassertations on the Ramayana, translated by J Muir from the German language in the Indian Antiquary for 1874 P. 103-04. Vide also Mr. Tilak's Artic Home in the Vedas P. 349.

\* In the light of these circumstances, is it not worth considering whether any body is justified in taking it as a matter of course that Homer's work should be entirely Greek and unborrowed while all works bearing a similarity to his work should be copied from him. —Kasinath Trimbak Telang.

২। রামায়ণের বালকাণ্ডে বিবামিত্র ও কশিষ্ঠের বিরোধ উপাখ্যানে যবন-সৈন্যের বর্ণনা দৃষ্ট হয় :—



বলেন বাকটেরিয়ান গ্রীকগণ যবন নামে আখ্যাত হইয়াছে । ইহাতেই তিনি রামায়ণকে খৃষ্ট যুগের পরবর্তী বলিয়া প্রচার করিয়াছেন । স্মতরাং রামায়ণের রচনাকাল নির্ধারণ করিবার পূর্বে যবনশব্দের অর্থ পরিগ্রহ করা প্রয়োজন । দেখা যাউক যবন বলিতে কি বুঝায় ।

অধ্যাপক লেসেন সাহেব বলেন যে, ভারতের পশ্চিম দেশবাসী বণিকসম্প্রদায় মাত্রেই হিন্দুর নিকট যবন নামে পরিচিত । পণ্ডিত-প্রবর মোক্ষমূলারও এই মত অনুমোদন করিয়াছেন । \* আবার কেহ কেহ অনুমান করেন যে, যবন শব্দে ব্যাবিলোনিয়ানগণকে লক্ষ্য করা হইয়াছে । ১ কিন্তু ইহা আনাদিগের নিকট বথার্থ বলিয়া মনে হয় না । রামায়ণ ও হিন্দুশাস্ত্র ব্যতীত বাইবেলের নানাস্থানে যবন শব্দের প্রচলন দেখা যায় । ২ স্মতরাং যবনশব্দ আধুনিক নয় । শ্রদ্ধাস্পদ শ্রীনগেন্দ্র নাথ বসু মহাশয় বিশ্বকোষ নামক বৃহৎ কোষ গ্রন্থে দেখাইয়াছেন যে, এই যবনজাতি ইতিহাসবহির্ভূত যুগেও বিদ্যমান ছিল । আনাদিগের বক্তব্য বাড়িয়া যায় বলিয়া, আমরা যবনশব্দের অর্থগত আলোচনা না করিয়া নিম্নে তাঁহার মত উদ্ধৃত করিলাম :—“৭০৯ খৃষ্ট পূর্বাব্দে সর্গণের রাজ্যকালে কোণাকার অক্ষরে উৎকীর্ণ লিপিতে সাইপ্রস দ্বীপের বর্ণনা

ভূয় এবাহজ্জবোরান্ শকান্ যবনমিশ্রিতান্

তৈরাসৌং সংধৃতান্ ভূমিঃ শকৈযবনমিশ্রিতৈঃ ॥ ইত্যাদি

\* Javan is not the exclusive name of the Greeks or Ionians. Prof. Lassen has proved that it had a wider meaning and that it was used even of Semetic nations—Ancient Sanskrit Literature. P. 501.

১। See Ancient Faiths in Ancient Names Vol II.

২। Now there were the generations of the sons of Nooth, Shem Ham and Japheth : and unto them were sons born after the flood, — the sons of Japheth, Gomer and Magog and Madai and Javan and Jubal and Meshech and Tiras.—Genesis \* 1-4.

স্থানে যবন শব্দের উল্লেখ আছে । ১ এই স্থানেই আসিরীয়গণ প্রথমে গ্রীকদিগের বিরুদ্ধে দণ্ডায়মান হইয়াছিলেন । এতদ্বারা বুঝা যাইতেছে যে, হিব্রুগণ ব্যতীত তৎকালীন অপর জাতিও গ্রীকদিগকে যবন শব্দে অভিহিত করিত । পরে ফিনিকীয়াদিগের দ্বারা উহা পশ্চিম এসিয়া-খণ্ডে প্রচারিত হইয়া থাকিবে ।” অতএব দেখা যাইতেছে যে, ব্যাক্টেরিয়ান গ্রীকগণের উৎপত্তির বহু-পূর্বেই যবন শব্দের প্রচলন ছিল । সুতরাং রামায়ণে যবন শব্দ ব্যবহৃত হইয়াছে দেখিয়াই, তাহার দ্বারা যে ব্যাক্টেরিয়ান গ্রীকগণকে লক্ষ্য করা হইয়াছে, এরূপ সিদ্ধান্ত করিবার পূর্বে ঐতিহাসিকগণ যে প্রশ্নের স্মরণতঃ দাবী করিতে পারেন, বেবার সাহেব সে প্রশ্ন প্রয়োগ করিতে পারেন নাই ।

এইবার আমরা রামায়ণের রচনাকাল নির্ধারণ করিতে চেষ্টা করিব । প্রথমতঃ যুরোপীয় ও দেশীয় ঐতিহাসিকগণের মতামত উদ্ধৃত করিয়া, পরে আমাদের মতামত জানাইব ।

কোন কোন যুরোপীয় পণ্ডিত রামায়ণকে মহাভারত অপেক্ষা আধুনিক গ্রন্থ বলিয়া প্রতিপন্ন করিবার চেষ্টা করিয়াছেন । কিন্তু Mrs. Manning বলেন যে রামায়ণের রচনা দেখিয়া মনে হয় রামায়ণ মহাভারত অপেক্ষা প্রাচীনতর গ্রন্থ । \* রসিডেভিড্ ইহাকে বৌদ্ধযুগে রচিত বলিয়া মনে করেন ।

১ । এই শিপির এক স্থলে লিখিত আছে :—

The Seven Kings of the Yava Tribes of the country of Yavan (or Yunam who dwelt in an island of the Western sea at the distance of seven days from the coast and the name of whose country had never been heard by my ancestors, the kings of Assyria and Chaldæa from the remotest time—Rawlinson's Herodotus. P. 7.

\* The Comparative age of these poems have given rise to

পণ্ডিতপ্রবর William সাহেব বলেন যে, রামায়ণের ত্রায় বৃহৎ আয়তনের পুস্তক কখন একজন কবির দ্বারা রচিত হইতে পারে না । বহু শতাব্দী ধরিয়া ধীরে ধীরে এই গ্রন্থ রচিত হইয়া থাকিবে । সম্ভবতঃ খৃষ্ট শতাব্দীর কিছু পূর্ব হইতে আরম্ভ হইয়া প্রথম শতাব্দীতে ইহা সম্পূর্ণ হইয়াছে । ২ স্বতরাং দেখা যাইতেছে যে, রামায়ণের কাল নির্ণয় করা সহজ নয় । এ কথা স্বয়ং ডাক্তার রাজেন্দ্রলাল ও প্রতিভাবান্ রমেশচন্দ্র স্বীকার করিয়াছিলেন,—অন্য পরে কা কথা । ভারতবর্ষের পুরাতত্ত্ব বিজ্ঞিতর স্বল্প-সমুদ্রে নিমগ্ন রহিয়াছে । যে তপস্বী শাস্ত্র-রসাস্পদ পুণ্যাশ্রমের স্নিগ্ধচ্ছায়ায় উপবেশন করিয়া, রামায়ণ-রচনা করিয়াছিলেন এবং স্বীয় রচিত কাব্যের রচনা-গৌরবে অমুরক্ত ভক্তবৃন্দের নিকট অত্মাপি দেবতার ত্রায় পূজা পাইতেছেন, ভারতের বাহিরে তাঁহার মহত্ত্ব সম্বন্ধে একটা অস্পষ্ট-ধারণা আছে মাত্র । রামায়ণের রচনাকাল নির্ণয়ের জন্ত যথেষ্ট চেষ্টাস্বত্বেও বিচারপদ্ধতি তর্ককোলাহলে অভিভূত হইয়া ব্যর্থ হইয়া পড়িতেছে । রামায়ণের সকল কথা সম্পূর্ণরূপে হৃদয়ঙ্গম করিতে হইলে রচনাকাল নির্ণয়ের প্রয়োজন । যে যুগে রামায়ণ রচিত হইয়াছে, তাহা আজ অতীতে মিশিয়াছে । “পুরাণ তাহার প্রমাণ দিবার চেষ্টা করিয়া স্বয়ং অপ্রামাণ্য হইয়া পড়িয়াছে” । কল্পনাও তাহার ধারণা করিতে যাইয়া শ্রান্ত হইয়া পড়ে ! এরূপ ক্ষেত্রে সেই অতীত যুগের কাল নির্দিষ্ট হইবে কি করিয়া ?

much able discussion from which we gather that some portions of the Mahabharata were probably more ancient than *any portion* of the Ramayana ; but that taken as a whole the Ramayana is probably the older composition.

১। See 'The Buddhist India,

২। Vide contra William's Epic poetry.

আমরা প্রসঙ্গক্রমে বলিয়াছি, অনেকের বিশ্বাস যে, মহাভারত রামায়ণ অপেক্ষা প্রাচীনতর। বর্তমান সময়ে অনেক শিক্ষিত ভারত-বাসী এই মত পোষণ করিয়া থাকেন। সুতরাং দেখা যাউক মহাভারত অপেক্ষা রামায়ণ প্রাচীনতর এই সাধারণ বিশ্বাস অটুট রাখিবার পক্ষে কোন যুক্তি আছে কি না। আমাদের বিবেচনায় নিম্নলিখিত কারণগুলিই রামায়ণকে মহাভারত অপেক্ষা প্রাচীনতর বলিয়া স্বীকার করিবার পক্ষে যথেষ্ট।

( ১ ) রামায়ণ পাঠ করিলে দেখিতে পাওয়া যায় যে, রামায়ণের সময়ে দাক্ষিণাত্যে আর্য্যসভ্যতা সম্যক প্রতিষ্ঠিত হয় নাই। সে সময়ে দাক্ষিণাত্যের অধিকাংশ স্থানই বহুশ্বাপদ-অরণ্যানী পরিবেষ্টিত। \* মহাভারতের সময়ে ভারতের নানা স্থানে আর্য্যসভ্যতা প্রতিষ্ঠিত হইয়াছিল, মহাভারতের সভাপর্বে পাঠ করিয়া তাহা বেশ বুঝা যায়। যুদ্ধাঙ্গিরের সভাগৃহে ভারতের নানা স্থান হইতে নৃপতিবৃন্দ উপস্থিত হইয়াছিলেন। † উভয় গ্রন্থের আলোচনা করিলে দেখিতে পাওয়া যায় যে, দাক্ষিণাত্যের ঐরূপ রাজনৈতিক পরিবর্তন ঘটিতে বহু শতাব্দী অতীত হইয়াছে। ইহাতে মনে হয় রামায়ণ মহাভারত অপেক্ষা বহু প্রাচীনতর।

( ২ ) রামায়ণের ভাষাতত্ত্ব আলোচনা করিলে দেখা যায় যে, ইহাতে আর্য্যপ্রয়োগের যেরূপ ছড়াছড়ি, লৌকিক কোন সংস্কৃত গ্রন্থে এরূপ বাহুল্য দেখা যায় না। রামানন্দ প্রভৃতি টীকাকারগণ ‘প্রমুখোদেতি

\* Mrs. Manning এবং ভারতবর্ষীয় উপাসক-সম্প্রদায়।

১। মহাভারতের সময়ে কলিঙ্গ, দ্রাবিড়, পাণ্ড্য ও কেবল এবং পূর্বদিকে অঙ্গ, বঙ্গ, প্রাগজ্যোতিষ, মণিপুর, ও সাগরতট পর্য্যন্ত আর্য্যসভ্যতা বিস্তৃত হইয়াছিল। সভাপর্বে ২৫-৩০ এবং ৫০-৫১ অধ্যায়, উদ্যোগপর্বে ১১৬, অশ্বমেধ পর্বে ৭৩-৮০ অধ্যায় স্মরণ্য।

ছান্দসং পরশ্বপদম্' ব্যাখ্যার দ্বারা উক্ত আৰ্য্য প্রয়োগগুলি বৈদিক ব্যাকরণ অনুসারে সিদ্ধ বলিয়া গিয়াছেন। ইহাতেই মনে হয় যে, যে সময়ে বৈদিক রীতি ত্যাগ করিয়া, লৌকিক রীতিতে সাহিত্য রচনার সূত্রপাত হইয়াছিল, বান্ধাকির মূল রামায়ণ সেই সময়েই রচিত হয়। ১ তাহা হইলে রামায়ণ বেদের পরে এবং উপনিষদের পূর্বেই রচিত হইয়াছিল। ২ ইহাতে নিঃসন্দেহ প্রমাণিত হয় যে, রামায়ণ মহা-ভারত অপেক্ষা প্রাচীনতর।

(৩) রামায়ণ পাঠে দেখিতে পাওয়া যায় যে, তখনও ভারতে সহমরণ-প্রথা প্রচলিত হয় নাই। সহমরণ-প্রথা বেদের সময়ে ভারতে প্রচলিত ছিল না; ইহা পরবর্ত্তিযুগে প্রচলিত হইয়া থাকিবে। কিন্তু মহাভারতে সহমরণের কথা পাঠ করিয়া স্পষ্টই বোধ হয় যে, মহাভারত রামায়ণের বহু পরে রচিত হইয়াছে। ৩

(৪) এতদ্ব্যতীত মহাভারতে রামায়ণের উল্লেখ দেখিতে পাওয়া যায়। ৪ উদাহরণস্বরূপে মহাভারতের বনপর্ব ও দ্রোণপর্বের উল্লেখ করা যাইতে পারে। ৫

উপরি উদ্ধৃত বিষয়সমূহ আলোচনা করিলে রামায়ণকে মহাভারতের

১। Prinsep's useful Tables.

২। শ্রীপঞ্চানন তর্করত্ন লিপিত "রামায়ণ-মহাভারত" প্রবন্ধ দ্রষ্টব্য।

৩। ১৩০৯ সালের নব-প্রভায় "মহাভারত ও রামায়ণ" শীর্ষক প্রবন্ধ দ্রষ্টব্য।

৪। Secondly it is also worthy of remark in this connection, as suggested by a very erudite friend (Prof. R. G. Bhandarcara) that whereas the Mahabharata does allude to Rama and his exploits, the Ramayana nowhere makes any mention of Pandavas or Kurus or any of the Principle Characters at the great action of other Epochs—Kashi Nath Trimbak Telang.

৫। রামচরিত বর্ণনাকালে ভারতকার রামায়ণের উল্লেখ করিয়াছেন :—

পূর্ববর্তী বলিয়া স্বীকার করিতে হয়। সুতরাং মহাভারতের কালনির্ণয় করিতে পারিলে, রামায়ণের রচনাকাল অনেকটা নির্ধারিত হয়। এ পর্য্যন্ত মহাভারতের কালনির্ণয় করিবার দুইটা প্রণালী দেখা যায়। প্রথম প্রণালীমতে হিন্দুর যুগগণনা-সাহায্যে মহাভারতের কালকে ষষ্ঠ শতাব্দীর বহু সহস্র বৎসর পূর্ববর্তী বলিয়া স্বীকার করা হয়। শ্রদ্ধেয় শ্রীভৃগুদাস লাহিড়ী প্রভৃতি ব্যক্তি উক্তমতের পক্ষপাতী। সম্প্রতি আরও কতিপয় বাঙ্গালী লেখক এই পন্থা অহুসরণ করিয়াছেন। কিন্তু এই মত প্রতিষ্ঠিত করিতে হইলে, বর্তমানের সমুদয় ঐতিহাসিক যুক্তির অসারতা দেখাইতে হয়, ইহা কখনই সুসাধ্য নয়। অধিকন্তু ইহা কখনই সর্ববাদিসম্মতিক্রমে গৃহীত হইতে পারে না। দ্বিতীয় উপায়ে যথাসম্ভব রামায়ণের রচনাকাল কমানাইলেও রামায়ণের গৌরব অটুট থাকে। ইহাতে বর্তমান ঐতিহাসিক মতগুলি অক্ষুণ্ণ থাকিবে।

দ্বিতীয় উপায়ে মহাভারতের রচনাকাল নির্ধারণ করিতে চেষ্টা করিলে দেখিতে পাওয়া যায় যে, মহাভারতকে খৃষ্টপূর্ব নবম শতাব্দীতে রচিত বলিবার পক্ষে যুক্তির অভাব নাই। \* এই স্থলে একটা অবাস্তব কথার উল্লেখ প্রয়োজন। পাণিনির গ্রন্থে কয়েকজন মহাভারতীয় নায়কের উল্লেখ আছে; কিন্তু রামায়ণের নায়কগণের নাম না থাকায়, অনেকে রামচন্দ্রের প্রাচীনত্বে সন্দিহান হন। বোধ হয় এই কারণেই শ্রদ্ধেয়

শুশু রাজন! যথা বৃত্তান্তিতিহাসং পুরাতনম্। ৩২৭৩১৬ দ্রোণপর্বে বাম্পীকি রচিত গীতের উল্লেখ আছে :

“অপিচায়ং পুরাগীতঃ শোকো বাম্পীকিনা ভূবি।”

\* শ্রীযুক্ত কানাইলাল ঘোষাল মহাশয় ১৩০২ সালের ভারতীতে “যুধিষ্ঠির ও মহাভারত” শীর্ষক প্রবন্ধে জ্যোতিষ শাস্ত্রানুসারে দেখাইয়াছেন যে, ভারত খৃঃ পূঃ নবম শতাব্দীতে রচিত হইয়াছে। বিস্তারিত বিবরণের জন্ত ১৩১৭ সালের আষাঢ় সংখ্যা বঙ্গদর্শনে প্রকাশিত “মহাভারতের রচনা কাল” প্রবন্ধ দ্রষ্টব্য।

শ্রীঅক্ষয়কুমার মৈত্র মহাশয় রামায়ণকে পাণিনির পরবর্ত্তী বলিয়া বিশ্বাস করেন। ১ কিন্তু এ মত যে অসার, তাহাতে সন্দেহ নাই। সমসাময়িক গ্রন্থে বা প্রাচীন সংস্কৃত সাহিত্যে রামাদির নাম উল্লেখ না থাকিলেই যে তাঁহাদিগের প্রাচীনত্ব চলিয়া যায়, তাহা নহে। নানাকারণে পূর্ণাবয়ব সংস্কৃত সাহিত্য দৃষ্ট হয় না। এতদ্ব্যতীত বৈয়াকরণ প্রচলিত সমস্ত শব্দ ব্যবহার করিতে বাধ্য নন। ক্রমের নাম ঋগ্বেদের মন্ত্রসংহিতায় ৪৮৫ স্থানে উক্ত হইয়াছে। তথাপি পাণিনির অষ্টাধ্যায়ীতে ক্রম শব্দের উল্লেখ দৃষ্ট হয় না। সুতরাং কেমন করিয়া বলিব যে রামের নাম পাণিনিতে দেখা যায় না বলিয়া, রামায়ণের প্রাচীনতা চলিয়া যায়। ২ এ বিষয়ে পণ্ডিত সখারাম গণেশ দেউস্কর যাহা বলেন, তাহাও প্রণিধানযোগ্য। তিনি বলেন, পাণিনির অষ্টাধ্যায়ীর কোন স্থানে রামায়ণের উল্লেখ না থাকায় বুঝিতে হইবে যে, ঐ শব্দে ব্যাকরণগত কোন বিশেষত্ব নাই। সুতরাং ব্যাকরণে ইহার উল্লেখ নিম্প্রয়োজন। ৩

এইবার রামায়ণের রচনাকাল নির্ধারণ করিতে চেষ্টা করা যাউক।

কোন কোন পাশ্চাত্য পণ্ডিত রামায়ণকে খৃষ্টপূর্ব ১২শ শতাব্দীতে রচিত বলিয়া মনে করেন। উদাহরণস্বরূপে মার্সমেন ও আরনল্ড সাহেবের নাম উল্লেখ করা যাইতে পারে। ৪ কিন্তু ইহাও আমাদিগের

১। তিনি বলেন পাণিনির পরেও কাভ্যায়নের পূর্বে কোন সময়ে রামায়ণ রচিত হইয়া থাকিবে—বঙ্গদর্শন ১৩১৭।

২। পাণিনিতে রামের নাম দৃষ্ট না হইলেও একটি স্থানে কৌশল্য পদটি সাধা হইয়াছে।

৩। শ্রীসখারাম গণেশ দেউস্কর লিখিত মহাভারতের রচনাকাল প্রবন্ধ দ্রষ্টব্য।

৪। He (Ram) is perhaps the earliest of deified gods as his age is generally fixed at 1200 years before our Era—History of India.

নিকট সত্য বাল্যে মনে হয় না । সুতরাং আমরা অত্র উপায়ে রামায়ণের কাল নির্দেশ করিতে চেষ্টা করিব :—

(১) মহাভারতের বংশতালিকা দৃষ্টে বুঝা যায় যে, মহাভারতীয় ৩১ জন নৃপতির পূর্বে রাম জীবিত ছিলেন । ইহাতে রামায়ণ মহাভারত অপেক্ষা দেড় সহস্র বৎসরের প্রাচীনতর বলিয়া স্থিরীকৃত হইয়াছে । সুতরাং রামায়ণ খৃষ্টপূর্ব প্রায় তিন সহস্র বৎসর পূর্বে রচিত । ( পণ্ডিত-প্রবর উইলিয়ম জোন্স ও এই মতের পক্ষপাতী ) ।

(২) কাশ্মীরদেশীয় প্রসিদ্ধ ঐতিহাসিক গ্রন্থ রাজ-তরঙ্গিনীতে রামায়ণের উল্লেখ আছে । ১ কোন সময়ে কাশ্মীরদেশীয় কতিপয় ব্রাহ্মণ-পণ্ডিত কাশ্মীরপতি দ্বিতীয় দামোদর নামক রাজাকে শাপ দেন । পরে শাপ-বিমোচনের উপায় নিকারণের প্রসঙ্গে বলেন, “মহারাজ ! যদি আপনি রামায়ণ শ্রবণ করেন, তবে শাপ হইতে মুক্ত হইবেন ।” এই দামোদর তম্বুংশীয় । ইনি খৃষ্টপূর্ব ত্রয়োদশ শতাব্দীতে বর্তমান ছিলেন । ২ সুতরাং দেখা যাইতেছে, ইহার বহু পূর্বেই রামায়ণ গুপ্ত রচিত নয়, ইহার আখ্যান সুপরিচিত ও ইহার প্রতি শ্রদ্ধা প্রতিষ্ঠিত হইয়াছে ।

(৩) রামচন্দ্রের জন্মকাল লইয়া, যে জ্যোতিষিক বচন প্রচলিত দেখা যায়, তাহাতে রামচন্দ্রের জন্ম ৫০০০ বৎসর পূর্বে হয়, ইহাই প্রতিপন্ন হইয়াছে । মহারাষ্ট্রের প্রসিদ্ধ জ্যোতিষী ৬ জনার্দন বালাজি মোড়ক মহাশয় ইহা নিঃসন্দেহ প্রমাণ করিয়াছেন ।

সুতরাং উপরে যাহা লিখিত হইল, তাহাতে এই কয়টা বিষয় প্রমাণিত হইতেছে :—(১) রামায়ণ মহাভারত অপেক্ষা প্রাচীনতর গ্রন্থ ।



(২) ইহা বৌদ্ধযুগের বহু পূর্বে রচিত, স্মৃতির ইহা বৌদ্ধগ্রন্থ দশরথ জাতকের অন্তর্ভুক্ত নহে। (৩) হোমারের কাব্যের ছায়া লইয়া, রামায়ণ রচিত নহে। (৪) রামের ব্যক্তিত্বে সন্দেহ করিবার কোন কারণ নাই। (৫) ইহা অনুন ৫০০০ বৎসর পূর্বে রচিত। এই কয়টি বিষয় স্বরণ রাখিয়া রামায়ণ পাঠ করিলে, প্রাচীন ইতিহাসের বহু উপকরণ রামায়ণ হইতে পাওয়া যাইতে পারে। আমরা পরবর্ত্তী অধ্যায়ে তাহারই আলোচনা করিব।

উপসংহারে আর একটা কথা বলা প্রয়োজন। রামায়ণে লিখিত আছে যে, বাল্মীকিপ্রণীত গ্রন্থে চতুর্বিংশতি সহস্র শ্লোক, পঞ্চ শত সর্গ এবং সাতটি কাণ্ড আছে।\* এই সাতটি কাণ্ডের নাম—বালকাণ্ড, অযোধ্যাকাণ্ড, কিষ্কিন্ধ্যাকাণ্ড, অরণ্যাকাণ্ড, লঙ্কাকাণ্ড, সুন্দরকাণ্ড এবং উত্তরকাণ্ড। কিন্তু অনেকে বিশ্বাস করেন যে, এই শেষ কাণ্ড (উত্তরকাণ্ড) বাল্মীকিপ্রণীত নহে। ইহার রচনা-প্রণালীর সহিত অত্যাশ্চর্য সর্গের রচনা-প্রণালীর যথেষ্ট পার্থক্য আছে।<sup>১</sup> এই কারণে বালকাণ্ডের শ্লোকটীকে (পাদটীকায় উদ্ধৃত) অনেকে প্রক্ষিপ্ত বলিয়া মনে করেন। কোন কোন যুরোপীয় পণ্ডিত উত্তরকাণ্ডকে নিতান্ত আধুনিক বলিয়া মনে করেন।<sup>২</sup> ফোর্ট উইলিয়ম কলেজের তত্ত্বাবধায়ক বনাম সাহেব

\* প্রাপ্ত রাজ্যস্য রামস্য বাল্মীকিভগবান্ স্বযিঃ ।  
চকার চরিতং কৃৎস্নং গিচিত্রপদমর্থবৎ ॥  
চতুর্বিংশসহস্রাণি শ্লোকানি প্রোক্তবান্ স্বযিঃ ।  
তথা সর্গশতান্ পঞ্চ ষট্কাণ্ডানি তথোক্তরং ॥

( বালকাণ্ড ৪র্থ সর্গ )

১। রাজেন্দ্রনাথ দত্ত প্রণীত। ( “ভারতীয় গ্রন্থাবলী” ১ম ভাগ )

২। The Journal of the Indian Archipelago সাময়িক পত্রিকা হইতে অবগত হওয়া যায় যে, যবদ্বীপ হইতে সংগৃহীত রামায়ণের মধ্যে উত্তরকাণ্ড সন্নিবেশিত হয় নাই। বিস্তারিত বিবরণের জন্ত অক্ষয়কুমার দত্তের “উপাসক সম্প্রদায়” পুস্তকের অন্তর্গত “রামায়ণ মহাভারত” প্রবন্ধ দ্রষ্টব্য। Vide also Griffith's Ramayan

বলেন, “কালে রামায়ণে অনেক সংযোজন হইয়াছে।” সুতরাং বোধ হয়, রামায়ণ রচিত হইবার পর কোন কবি উত্তরচরিত রচনা করিয়া, রামায়ণের সহিত তাহাকে জুড়িয়া দিয়া থাকিবেন। এ মত নানা কারণে আমাদের অসঙ্গত বলিয়া বোধ হয় না। সুতরাং আমাদের আলোচনা উক্ত ছয়টা সর্গের মধ্যেই নিবদ্ধ থাকিবে। রামায়ণ বলিতে আমরা বালকাণ্ড প্রভৃতি উক্ত ছয়টা সর্গই বুঝিব এবং শেষ কাণ্ডটির সম্বন্ধে কোন কথাই তুলিব না।

## রামায়ণী সভ্যতা ও সমাজ ।

আর্য্য সমাজ অতি প্রাচীন। অতীতের কোন্‌ সুদূর যুগে ইহা সভ্যতার উচ্চতম গ্রামে প্রতিষ্ঠিত হইয়াছিল, তাহা সঠিক করিয়া বলিবার উপায় নাই। রামায়ণে আমরা সেই সুপ্রাচীন সমাজ ও সভ্যতার একটা আভাষ পাই।

প্রাচীন সাহিত্য আলোচনা করিলে দেখিতে পাওয়া যায় যে, রামায়ণী-যুগের পূর্বে সমাজে দেব-ভাষা ও মনুষ্য-ভাষা প্রচলিত ছিল। বেদগুলি দেব-ভাষায় রচিত। এই দেব-ভাষা আবার তিন শ্রেণীতে বিভক্ত ছিল।\* তৎকালে সর্ব্বশুদ্ধ চারি প্রকারের ভাষা প্রচলিত ছিল। প্রথম মঙ্গের ভাষা, দ্বিতীয় কল্পের ভাষা, তৃতীয় ব্রাহ্মণের ভাষা এবং চতুর্থ প্রচলিত লৌকিক ভাষা। ১ রামায়ণের সময়ে হ্রস্ব দেবভাষার প্রচলন উঠিয়া যায় এবং তৎস্থলে বিস্তৃত ও সহজ সংস্কৃতির প্রচলন হয়। এই সহজ, সরল ভাষাতেই রামায়ণের শ্লোক রচিত।

তৎকালে অনার্য্য সমাজ ব্যতীত সর্ব্বত্রই প্রায় কথোপকথনের জন্য সংস্কৃত ভাষা ব্যবহৃত হইত। ব্রাহ্মণ ও সম্ভ্রান্ত ব্যক্তিগণ সংস্কৃত ভাষায় কথোপকথন করিতেন, রামায়ণ পাঠে তাহা বুঝা যায়। অরণ্যাকাণ্ডের ১১শ সর্গে ইন্ডল-বাতাপি উপাখ্যানে লিখিত আছে যে, ইন্ডল ব্রাহ্মণরূপ

\* সায়ন বলেন যে, বেদের সময়ে চারি প্রকারের ভাষা প্রচলিত ছিল :—

চত্বারি বাক্‌ পরিমিতা পাদানি তানি বিহু ব্রাহ্মণা মনীষিণঃ ।

সুহাদ্রীণি মেহিতা নেং গয়ন্তি তুরিয়ং বাচঃ মনুষ্যা বদন্তি ॥ ১।১৬৪।৪৫

১। আখ্যাবর্ষ ১৩১৭ ( আখিন ) পৃঃ ৩৮৬ ।

ধারণ করিয়া সংস্কৃত ভাষায় কথোপকথনের দ্বারা শ্রদ্ধের ছলনায় ব্রাহ্মণ-গণকে নিমন্ত্রণ করিত।<sup>১</sup> অপর স্থানেও দেখা যায় যে, হনুমান লঙ্কাপুরীতে প্রবেশ করিয়া, সীতার সহিত সাক্ষাৎ করিবার অভিপ্রায়ে ভাবিতেছেন :—“আমি ক্ষুদ্রকায়, তাহাতে আবার বানর। যাহা হউক, মানুষের মত সংস্কৃত কথাই বলিব। দ্বিজাতি অর্থাৎ ব্রাহ্মণ, ক্ষত্রিয় ও বৈশ্যের (বিশুদ্ধ) ভাষায় কথা বলিলে সীতা আমাকে রাবণ মনে করিয়া ভীত হইবেন। অতএব সাধারণ মানুষের মত কথা বলাই আমার অবশ্য-কর্তব্য, নচেৎ কোনরূপেই তাঁহাকে সাস্তুনা করিতে পারিব না।” ইহার দ্বারা সহজেই বুঝিতে পারা যায় যে, তৎকালে সাধারণের মধ্যে সংস্কৃত ভাষা ব্যতীত, লৌকিক ভাষারও প্রচলন ছিল।

অনার্য্য-সমাজে পৈশাচী ভাষা ব্যবহৃত হইত। পাণ্ড্য, বাহ্লীক, ভোট, গান্ধার প্রভৃতি দেশকে পিশাচ দেশ বলা হইয়াছে।\* এই সব স্থানে পৈশাচী ভাষা প্রচলিত ছিল।

\* অর্থশাস্ত্রের মেরুদণ্ড মুদ্রা। মুদ্রার উপর সমাজের বহু উন্নতি নির্ভর করে। এই জন্ত অতি প্রাচীনকাল হইতেই মুদ্রার প্রচলন দেখা যায়। স্বঘোদের গ্রন্থ প্রাচীন গ্রন্থেও হিরণ্যপিণ্ডের ও নিক নামক এক প্রকার মুদ্রার উল্লেখ আছে।<sup>২</sup> ইংরাজ ঐতিহাসিকগণও স্বীকার করিয়া

১। ধারয়ন্ ব্রাহ্মণং রূপমিচ্ছনঃ সংস্কৃতং বদন্ ।  
আমন্ত্রয়তি বিপ্রান্ স শ্রদ্ধমুদ্दिष्ट निर्द्नः ॥

\* পাণ্ড্য-কেকয়-বাহ্লীক-সহ-নেপাল-কণ্ডলা ।  
সুধেনা-ভোট-গান্ধার-হৈব-কনোজনা-স্তথা ॥  
এতে পিশাচদেশাঃ সুপ্তদেশস্তদুপগো ভবেৎ ॥

ধাকেন যে, ভারতবাসী অতি প্রাচীন যুগেই মুদ্রার ব্যবহার জানিতেন । ২ রামায়ণের বহুস্থানে নিক্ষ ও স্তবর্ণ নামক মুদ্রার উল্লেখ দেখা যায় । তৎকালে অঙ্গুরীয় প্রভৃতি নামাক্ষন করিবার প্রথার আভাষ রামায়ণে দেখিয়া মনে হয়, মুদ্রাকে নামাক্ষিত করিবার চেষ্টা তৎপূর্বেই আরম্ভ হইয়াছিল । ৩

রামায়ণযুগে বিবাহ-প্রথার আলোচনা করিলে, ইহার প্রাচীনতা সহজেই প্রতিপন্ন হইয়া পড়ে । ঋগ্বেদের বহু-পত্নীকতা ও দেবরের সহিত বিধবার বিবাহ প্রভৃতি বৈদিক আচার তখনও পূর্ণমাত্রায় রামায়ণী সমাজে বর্তমান ছিল, রামায়ণে তাহার স্পষ্ট উল্লেখ দেখা যায় । ৪ পরবর্তী যুগে শঙ্খ ও দেবল প্রভৃতি স্মৃতিশাস্ত্রকারগণের গ্রন্থে বহুবিবাহের প্রয়োজন মত বহুবিধান পরিলক্ষিত হয় । পৌরাণিক ও আধুনিক রাজাদের বহু বিবাহের কথা সুপরিচিত । কিন্তু বর্তমান সময়ের কথা ছাড়িয়া, ভারতীয় যুগেও দেখা যায় দেবরকে পতিরূপে গ্রহণ নিন্দনীয় বলিয়া বিবেচিত হইত । \* রামায়ণীযুগে দেবর-পতিত্ব-গ্রহণ কেবল অনার্য্য সমাজে প্রচলিত ছিল না । নিয়োগ বিধিতে বাধ্য হইয়া পুত্রোৎপাদনার্থে দেবর-নিয়োগশাস্ত্র বিধিসম্মত ; এই জন্ত মনুতেও ইহার বিধান আছে, যথা—

২। If we may trust Aryan, the Hindus had coined money before Alexander—Wilson.

৩। হনুমান্ রামের একটা নামাক্ষিত অঙ্গুরী অভিজ্ঞানস্বরূপ সীতার নিকট উপস্থিত করেন । অনেকে অস্বীকার করেন যে বেদোক্ত ক্ষুরভ্রজ সাহায্যে এই ধাতুলিপি সম্পন্ন হইত ।

৪। দশরথের বহু বিবাহ ও স্ত্রীত্রয়ের সহিত বালী-পত্নীর বিবাহ ইহার উদাহরণ ।

\* ভারতে চিরদিনই বহু-পত্নীকতা প্রচলিত রহিয়াছে । বেদে লিখিত আছে—  
যদেকস্মিন্ ব্ধে ব্ধে রশনে পরিব্যয়তি, তস্মাৎ একো জায়ে বিশেষ্ত,—যেমন বজ্রকালে

ভ্রাতৃমৃতস্ত ভাৰ্য্যায়াং বোহন্থরজ্যেত কামতঃ ।

ধৰ্ম্মেণাপি নিযুক্তায়াং সজ্জয়ে দিধিবুপতি ॥

ঋগ্বেদের একটা শ্লোক পাঠ করিয়া বুঝিতে পারা যায় যে, প্রাচীন ভারতে বরের অভিভাবকগণ উপযুক্ত পাত্রীর অন্বেষণ করিয়া বেড়াইতেন। কত্ভার পিতা পাত্রের যোগ্যতার পরিচয় পাইলে, তাহার হস্তে কত্ভা সম্প্রদান করিতেন। রামায়ণেও এই ভাবের কথা দেখিতে পাওয়া যায়। বিশ্বামিত্রের বজ্রস্থান সম্ভবতঃ আধুনিক বিহারের কোশগ্রামে অবস্থিত ছিল। এই স্থান হইতে দরভঙ্গের ৩৫ মাইল উত্তরে সীতার জন্মভূমি জনকপুরে বিশ্বামিত্র রামচন্দ্রকে সঙ্গে লইয়া জনকের ভবনে সীতার সহিত রামচন্দ্রের বিবাহের প্রস্তাব উপস্থিত করেন। ইহাতে মনে হয় যে, অনার্য্য সমাজে রাক্ষস ও বিভিন্ন প্রকারের বিবাহ প্রচলিত থাকিলেও, আর্য্যসমাজে সাধারণতঃ পাত্র—পাত্রী অভিভাবকগণ কর্তৃকই নির্বাচিত হইতেন।

মহাভারতের কোন কোন প্রতাপশালী নরপতি মধ্যে মধ্যে একাধিকারের চেষ্টা করিয়াছেন, রামায়ণের উত্তরকাণ্ড ব্যতীত আর কোথাও এরূপ চেষ্টার কথা পাঠ করিতে পাওয়া যায় না। রামায়ণের সময়ে

এক যুগে দুই রজ্জু বেঁধেন করা হয়, সেইরূপ এক পুরুষ দুই স্ত্রী বিবাহ করিতে পারে। ঋগ্বেদে দেবরের সহিত বিবাহ সম্বন্ধে লিখিত আছে :—

কুহ শ্বিদোষা কুহ বস্তোরশ্বিনা ।

কুহাভিপিতৃং করতঃ কুহোষতুং ॥

কো বাং শযুক্তা বিধবেব দেবরং ।

মৰ্য্যং ন ঘোষা কৃণুতে সধিস্থ আ ॥ ১০।৪০।২১ ।

অর্থাৎ হে অশ্বিনয়, তোমরা দিবাভাগে কি রাত্রিকালে কোথায় গতিবিধি কর, কোথায় বা কালযাপন কর। যেকোন বিধবা রমণী শয়নকালে দেবরকে সমাদর করে, বজ্রহুলে তদ্রূপ সমাদরের সহিত কে আমাদিগকে আহ্বান করে।

আর্য্যভূমি বহুতর ক্ষুদ্র ক্ষুদ্র রাজ্যে বিভক্ত ছিল। প্রত্যেক রাজ্যে এক এক অধীশ্বর থাকিতেন। ইনি আপন অধিকারের মধ্যে যথাসম্ভব “অনন্তরাজশাসনবশ্ত” হইয়া শাসনকার্য্য সমাধা করিতেন।\* রাজ্য-শাসন বহু মন্ত্রীতে বিভক্ত হইত। মন্ত্রিগণ অধিকাংশ সময়েই ব্রাহ্মণ-জাতীয় হইতেন। রাজনীতির মেরুদণ্ড মন্ত্রগুপ্তি তৎকালে অজ্ঞাত ছিল না।<sup>১</sup> রামচন্দ্র ভরতকে প্রত্যেক তীর্থে তিনজন গুপ্তচর প্রেরণ করিবার পরামর্শ দিয়াছেন। এতদ্ব্যতীত রাজকার্য্য সম্পাদনের জন্ত রামায়ণে অষ্টাদশ কক্ষচারীর উল্লেখ আছে।<sup>২</sup> সুতরাং দেখা যাইতেছে যে রামায়ণযুগে অবলম্বিত রাজনীতি অধুনা যুগের রাজনীতি হইতে বিশেষ প্ততন্ত্র ছিল না।

মধ্যযুগে জন্মগী প্রভৃতি যুরোপীয়জাতির মধ্যে রাজ-দেবত্বের ভাব প্রবল হইয়াছিল। সালেমান প্রভৃতি সম্রাটগণ আপনাদিগকে দেবতার উচ্চাসনে প্রতিষ্ঠিত করিয়া জনসাধারণের নিকট হইতে উচ্চসম্মান লাভ করিয়া গিয়াছেন। তারপর নানা ঘটনা-বৈচিত্র্যের মধ্যে যুরোপের যে অত্যন্ত ইতিহাস ফুটিয়া উঠিয়াছে, তাহাতে ক্রমশঃই যুরোপে রাজ-তন্ত্র উন্মূলিত হইয়া পড়িতেছে।

\* বান্দ্যিক ও তৎসাময়িক বৃত্তান্ত ।

১। রাম ভরতকে চিত্রকূট পর্ব্বতে রাজ্যের কুশল জিজ্ঞাসাচ্ছলে বলেন—“দেখ, শাস্ত্রবিশারদ অমাত্যগণের প্রযত্নে মন্ত্র সুরক্ষিত হইলে, নিশ্চয়ই জয়লাভ হয়।”—হেমচন্দ্র। পুনশ্চ—“তুমি ও তোমার মন্ত্রী, তোমরা যাহা গোপন করিয়া রাখ, তর্ক ও বুদ্ধির দ্বারা তাহাও কেহ উদ্ভাবন করিতে পারে না।”

২। মন্ত্রী, পুরোহিত, যুবরাজ, সেনাপতি, দৌবারিক, অন্তঃপুরাধিকারী, বন্দনা-পারাধিকারী, ধনাধ্যক্ষ, রাজাজ্ঞানিবেদক, ব্যবহারজিজ্ঞাসক (জজ পণ্ডিত) ধর্ম্মাসনাধিকারী, ব্যবহারনির্ণায়ক সভ্য, বেতনদান্যাধ্যক্ষ, বেতনগ্রাহী নগরাদ্যক্ষ, আটবিক দণ্ডাধিকারী, এবং দুর্গপাল।

ইহা নিতান্ত পরিতাপের বিষয় সন্দেহ নাই ।। কিন্তু সূত্বের বিষয় যে, হিন্দুর মনে রাজ-ভক্তি আজ পর্য্যন্ত অক্ষুণ্ণভাবে বিরাজিত । আজও ভারতের নরনারী প্রাণের সহিত বিশ্বাস করেন,—“রাজাই সত্য, রাজাই ধর্ম, রাজাই মানীর মান, রাজাই পিতা, রাজাই মাতা এবং রাজাই সকলের হিতকারী” ।

রামায়ণে রাজার সংজ্ঞা অত্যন্ত ব্যাপক । কিঙ্কিঙ্কাকাণ্ডে লিখিত আছে যে, যিনি ধর্ম, অর্থ ও কামকে সমরোচিত সেবা করিয়া থাকেন, তিনিই রাজা ।\* “রাজা কেবল বসুন্ধরা ভোগ করিয়াই বাইবেন না । প্রকৃতিপুঞ্জের প্রতিও তাঁহার গুরুতর কর্তব্য আছে । যিনি লোকরক্ষার ভার গ্রহণ করিবেন,—প্রজার রক্ষার্থে তাঁহাকে কি নৃশংস, কি পাপকর, কি অপযশস্কর—সকল কার্য্যই করিতে হইবে” ।<sup>১</sup> রামচন্দ্র ভারতকে রাজকার্য্য উপদেশ দিবার ছলে প্রকৃতিপুঞ্জের প্রতি রাজার দায়িত্ব বুঝাইবার জন্ত বলিয়াছেন,—“ধনী বা দরিদ্র যাহারাই হউক, বিবাদ-রূপ সঙ্কটে তোমার অমাত্যেরা ত অপক্ষপাতে ব্যবহার পর্যালোচনা করিয়া থাকেন ; দেখ যাহাদিগের উপর মিথ্যাভিযোগের সম্যক্ বিচার না হয়, সেই সকল নিরীহ লোকের নেত্র হইতে যে, অশ্রুবিন্দু নিপতিত হইয়া থাকে, তাহা ঐ ভোগাভিলাষী রাজার পুত্র ও পশু সকল বিনষ্ট করিয়া ফেলে ।” এরূপ ছায়াবর্ত প্রজাবৎসল রাজা যে দেবতারই প্রতিমূর্তি তাহাতে সন্দেহ কি ?

রামায়ণীযুগে ভারতে শিক্ষাদানের কিরূপ ব্যবস্থা ছিল, রামায়ণ

\* ধর্মমর্থক কামক কালে যন্ত নিষেবতে ।

বিভজ্য সততং বীর স রাজা হরিসত্তমম্ । ( কিঃ ৩৮:২১ )

১। সৌরভ—কার্ত্তিক ১৩১৯ পৃঃ ৪



পাঠ করিয়া তাহা ঠিক বলিতে পারা যায় না। রামায়ণ পাঠ করিয়া, শিক্ষা সম্বন্ধে যে সহজ ধারণায় উপনীত হওয়া যায় তাহার কথাই সংক্ষেপতঃ আমি বলিতেছি। আদিকাণ্ডে দেখিতে পাওয়া যায়, রাম-লক্ষ্মণাদি রাজপুত্রগণ প্রাপ্তবয়স্ক হইলে, রাজা দশরথ তাঁহাদিগের শিক্ষার আয়োজন করেন। রাজকুমারগণও শিক্ষাশুণে অত্যল্পকাল মধ্যে সৰ্ববিদ্যায় পারদর্শিতা লাভ করেন।\* ইহাতে অনুমান করা অসঙ্গত নয় যে তৎকালে রাজকুমারদিগের এবং সম্ভবতঃ (?) জনসাধারণের শিক্ষার ব্যবস্থা ছিল। বেদাধ্যয়ন, অঙ্গপরিচালন, নীতিশিক্ষা, অশ্বারোহণ এবং পিতৃসেবাই তৎকালে শিক্ষণীয় বিষয় ছিল বলিয়া মনে হয়। এই বিদ্যা গুরুগৃহে সম্পন্ন হইত কিনা তাহাও জানিবার উপায় নাই। রামায়ণের কুত্রাপি লিপি শব্দের উল্লেখ দেখা যায় না। এস্থলে লিপি বলিতে আমি লেখনী-সম্ভবা লিপির কথাই বলিতেছি। ইহাতেই অনেকেই অনুমান করেন রামায়ণীয়ুগে লিপির প্রচলন ছিল না, মৌখিক শিক্ষাদান প্রচারিত ছিল, এবং ‘শাস্ত্রাদি গ্রন্থকারে নিবদ্ধ না থাকিয়া, জনগণের স্মৃতিমন্দিরেই বিরাজিত থাকিত’। কিন্তু ইহা সঙ্গত নয়। বৈদিক কালেও লিপি-জ্ঞানের অস্তিত্ব ছিল।<sup>১</sup> প্রত্নতত্ত্ব ভারতে অতি প্রাচীন যুগেই লিপি-জ্ঞানের পরিচয় পাওয়া যায়। ঋগ্বেদ হইতে আমরা তিনটী স্থান উদ্ধৃত করিয়া, আমাদের কথা যথাযথ প্রতিপন্ন করিতেছি।

\* সৰ্বে বেদবিদঃ শূরাঃ সৰ্বে লোকহিতে রতাঃ।

সৰ্বে জ্ঞানসম্পন্নাঃ সৰ্বে সমুদিতা গুণৈঃ ॥ ১৮শ সর্গ।

১। উপাসনা ৬ষ্ঠ বর্ষ ১৩০ পৃষ্ঠা

- ১। উতত্ব পশুন্ ন দদর্শবাচমুত স্বঃ শৃণ্বন্ ন শৃণোত্যেনাম্ ;  
উতো স্বৈশ্চ তস্বং বিসগ্রে জায়েব পতাউতগৌ স্রুবাসাঃ । ১০।৭১।৪
- ২। যং বৈ সূর্য্যং তর্ভানুস্তুমনাবিধ্যাদাসুরঃ  
অত্রয়ন্ত মন্ববিন্দন্ নহি অত্রে অশঙ্কুবন্ । ৪।২।১২
- ৩। বেদমাসো ধৃতবতো দ্বাদশ প্রজায়ত ।  
বেদা উপজায়তে ॥ ১।২

এই তিনটী ঋকের আলোচনা প্রসঙ্গে শ্রদ্ধেয় শ্রী অমূল্যচরণ ঘোষ বিজ্ঞাতভূষণ বাহা বলেন তাহা প্রণিধান-যোগ্য; আমরা নিম্নে তাহা উদ্ধৃত করিলাম ;—

“এই তিনটা ঋকের মধ্যে প্রথমটীতে মূর্খ ও জ্ঞানী লোকের বর্ণনা করা হইয়াছে। ঋক্টির মর্ম্মার্থ এই যে, কেহ কেহ বাক্যকে দেখে, অথচ দেখে না—কেহ কেহ বাক্যকে শোনে অথচ শোনার ফল পায় না। এই জন্ত কেহ শুনাইলেও সে তাহার অর্থ বুঝিতে পারে না। কাময়মানা রমণী যেমন স্রবজ্ঞদ্বারা অলঙ্কৃত হইয়া, আপনার পতির নিকট দেহ সমর্পণ করে; সেইরূপ বাকা সকল এই দুই প্রকার লোক ভিন্ন আর এক প্রকার লোকের নিকট আপনার দেহ ও মূর্ত্তি সমর্পণ করে না। এখন দেখা যাইতেছে যে, একই ঋকে একই প্রসঙ্গে ‘বাক্যের দর্শন ও শ্রবণ’ যখন দুইটা অর্থ প্রয়োগ আছে, তখন দর্শন শব্দে পুস্তক লিপিরূপে দর্শন ভিন্ন অর্থ কি অর্থ হইতে পারে ?

দ্বিতীয় ঋক্টি হইতে স্পষ্টই বুঝা যাইতেছে যে, রাজ নিজের ছায়া দ্বারা সূর্য্যকে বিদ্ধ করিলে যে বেধ হয়, তাহা আত্মের ঋষি অবগত ছিলেন। অবশ্য অর্থ ঋষি জানিতেন না।

অত্রি-গোত্রীয় ঋষিগণ গ্রহ-গণনার আদি গুরু ছিলেন। যে ঋষিরা গ্রহ-গণনা করিতে পারিতেন, তাঁহারা যে লিখিতে পারিতেন না, একথা কে বিশ্বাস করিবে ?

তৃতীয় খণ্ডটি আৰ্য্যদিগের জ্যোতিষ জ্ঞানের একটি জলন্ত নিদর্শন।\* ষাঁহারা জ্যোতিষ জানিতেন, তাঁহারা যে লিপি জানিতেন না, ইহা নিতান্ত অসম্ভব”।১

রামায়ণেও এক স্থলে লিপি বিদ্যমানতার প্রমাণ পাওয়া যায়। রামায়ণে লিখিত আছে যে, হনুমান্ সীতাদেবীকে রামের নামাক্ষিত অঙ্গুরী প্রদর্শন করেন।২ স্মৃতরাং কেমন করিয়া বলিব যে রামায়ণী-যুগে ভারতে লিপিজ্ঞান ছিল না ?

রামায়ণ পাঠে জানিতে পারা যায় যে, তৎকালে ভারতে বেদের প্রতি সাধারণের সমধিক শ্রদ্ধা ছিল। অযোধ্যা বর্ণনা প্রসঙ্গে অযোধ্যা-বাসীর পরিচয় দিবার কালে কবি বলিয়াছেন যে, অযোধ্যাবাসী বেদপাঠ-নিরত ও সত্যবাদী। ইহার দ্বারা বুঝিতে হইবে যে, যে শক্তিমান পুরুষের আবির্ভাবে বৈদিক ক্রিয়া কৰ্ম্ম লোপ পাইয়াছিল, তখনও সেই অহিংসাবাদী বুদ্ধদেব ও তৎপ্রচারিত বৌদ্ধধর্ম ভারতে দেখা দেয় নাই। রামায়ণে বহু স্থানে ব্রাহ্মণ ও ক্ষত্রিয় প্রভৃতি শব্দ ব্যবহৃত হইতে দেখিয়া নিঃসন্দেহে বলিতে পারা যায় যে, ভারতে তখন বর্ণাশ্রম সম্পূর্ণরূপে প্রতিষ্ঠিত হইয়াছিল।

\* ভারতীয় আখ্যায়িকার জ্যোতিষ সম্বন্ধে গভীর জ্ঞানের কথা ইংরাজগণও স্বীকার করিতেছেন। তাঁহারা বলেন যে, বেদের বহু ঋকের জ্যোতিষিক ব্যাখ্যা আছে। কেহ কেহ বা বেদের ইচ্ছাকে personification of the summer solstice বলিয়াছেন। See “Ancient Calendars.”

১। সাহিত্য ২২ বর্ষ ৯ সংখ্যা পৃঃ ৬৫০। ষাঁহারা লিপির প্রাচীনতা সম্বন্ধে বিস্তৃত বিবরণ জানিতে চান, তাঁহাদিগের পক্ষে উক্ত প্রবন্ধ দ্রষ্টব্য।

২। বানরোহহং মহাভাগে দূতো রামস্ত ধীমতঃ।

রামনামাক্ষিতুর্কেদং পশু দেব্যঙ্গুরীয়কম্ ॥ (হনুদক্যাণ্ড ৩৬।২)

রামায়ণযুগের ভারতের সমধিক আর্থিক উন্নতি সাধিত হইয়া থাকিবে। শিল্প, বাণিজ্য ও সুসভ্য জনপদের কথা পাঠ করিয়া, মনে এই বিশ্বাসই বদ্ধমূল হয়। নানা তোরণবিভূষিত প্রাসাদাদি নির্মাণোপযোগী শিল্পাদির বিবরণ বিস্তারিতভাবে পরবর্তী পরিচ্ছেদে বর্ণিত হইয়াছে। ঐ সব কার্য্য সুচারুরূপে সম্পন্ন করিবার জন্ত বহুতর শিল্পীর প্রয়োজন। তাহাদিগের শিক্ষাপ্রণালী কিরূপ ছিল, এবং এখনকার ছাত্র শিক্ষা স্বেচ্ছা করিবার জন্ত তখন কোন সুব্যবস্থা ছিল কি না জানিবার উপায় রামায়ণে দেখিতে পাওয়া যায় না, সাময়িক সাহিত্যেও সে কথা মীমাংসিত হয় নাই। অতীতের কুজ্ঞাটিকা অপসৃত করিয়া, জ্ঞান-বর্দ্ধিকা-হস্তে উপস্থিত হইয়া, যে ঐতিহাসিক আমাদিগের অজ্ঞানতা সর্ব্বপ্রকারে দূর করিয়া, অতীত ভারতের জ্যোতিষ্ময়ী মুক্তি আমাদিগের চক্ষের সমক্ষে উপস্থাপিত করিবেন, হৃৎথের বিষয় বাঙ্গালার সাহিত্য-আসরে আজও তিনি দেখা দেন নাই। যতদিন তাঁহার আগমন সূচিত না হয়, ততদিন ভারতের ইতিহাসের আশা বিড়ম্বনা।

ভারতবর্ষ দুইভাগে বিভক্ত। উত্তর ভাগ আর্য্যাবর্ত্ত ও দক্ষিণ ভাগ দাক্ষিণ্যপথ। আর্য্যোরা প্রথমে আর্য্যাবর্ত্তে আসিয়াই বাস করেন। মনু আর্য্যাবর্ত্তের সীমা নির্দ্ধারণ করিয়াছেন।\* রামায়ণের সময়ে আর্য্যগণ আর্য্যাবর্ত্তে আপনাদিগের শাসন প্রতিষ্ঠিত করিয়া, উপনিবেশ স্থাপন করিয়াছিলেন, রামায়ণে তাহার সঙ্কেত আছে।†

\* আসমুদ্রান্তু বৈ পূর্বাদাসমুদ্রান্তু পশ্চিমাং ।

তয়োরেবাস্তুরম্ গিযোরাধ্যাবর্ত্তং বিদুর্কুধা ॥

১। শঙ্করখণ্ডুরো নাম্না হিমবানিতি বিশ্রুতঃ ॥

বিস্ক্যপকৃতমাসাদ্য নিরীক্ষেতে পরম্পরম্ ।

তয়োর্মধ্যে সমভবৎ যজ্ঞস্য পুরুষোত্তম ॥ আদি ৬৯।৪-৫।

রামায়ণে দেখিতে পাওয়া যায় যে, কৈকেয়ী বেদোক্ত তেত্রিশটি দেবতার নামে দশরথকে শপথ করান। বেদে দ্বাদশজন আদিত্য, একাদশ রুদ্র, অষ্ট বসু, ও অশ্বিনী কুমারদ্বয়—এই তেত্রিশ দেবতার উল্লেখ আছে।\* ইহাতে বোধ হয় বেদের ও রামায়ণের দেবতা একই, পুরাণোক্ত অসংখ্য দেব-দেবীর কল্পনা তখন পরিকল্পিত হয় নাই। এই থানে একটী ঐতিহাসিক সমস্যা সমাধান করা উচিত। কৈকেয়ী বৈদিক দেবতাগণকেই শ্রদ্ধা দেখাইলেও, রামায়ণের পাঠক মাত্রই অবগত আছেন যে, ব্রহ্মা, বিষ্ণু ও শিবের কথা রামায়ণে দেখা যায়। ঐতিহাসিকগণ স্থির করিয়াছেন যে, পৌরাণিক যুগে উক্ত দেবতাদ্বয়ের জন্ম। সুতরাং স্বীকার করিতেই হইবে যে, উক্ত দেবতাদ্বয়সংশ্লিষ্ট যে সকল গল্প রামায়ণে স্থান পাইয়াছে, তাহা পরবর্ত্তী প্রক্ষিপ্ত রচনা।

রামায়ণের এক স্থানে বুদ্ধমতের উল্লেখ দেখা যায় ; যথা—

যথা হি চোরঃ স তথাহি বুদ্ধ-

স্তথাগতং নাস্তিকমস্ত্র বিদ্ধি ।

তস্মাদ্ধি যঃ শক্যতমঃ প্রজানাম্

স নাস্তিকে নাভিমুখো বৃধঃ স্ত্রাৎ ॥ ( অযোধ্যা ১০৯৩৪ )

“চোর যেরূপ দণ্ডাই, বুদ্ধমতানুসারী তথাগত নাস্তিক এবং আপনিও সেইরূপ দণ্ডাই জানিবেন। প্রজাগণের বুদ্ধি পরিশুদ্ধির জন্ত নাস্তিক দণ্ডিত করা রাজার কর্তব্য। পণ্ডিত ব্যক্তি নাস্তিকের সহিত আলাপ করে না”। ইহা যে সংযোজন তাহাতে আর সন্দেহ নাই।

রামায়ণযুগে ভারতে মূর্তিপূজা প্রবর্ত্তিত হয় নাই। কেবল উত্তর-কাণ্ডের এক স্থলে শিবপূজার উল্লেখ আছে।

---

\* স্বত্বেদে ( ৩৯৯ ) ৩৩৩৯—দেবতার কথা আছে। সায়ণ ইহার ব্যাখ্যায় বলেন, বেদের দেবতা কেবল ৩৫ জন, ৩৩৩৯ সংখ্যা তাঁহাদিগের মহিমা মাত্র।

উপরিলিখিত বিষয়গুলি হইতে বুঝিতে পারা যায় যে, রামায়ণযুগে ভারতের সামাজিক অবস্থা বৈদিক অবস্থারই অনুরূপ ছিল। কিন্তু তখন সামাজিক, রাজনৈতিক ও নৈতিক উন্নতি বলিতে যাহা বুঝাইত, বিংশ শতাব্দীর তুলনায় তাহা নিতান্ত নিকৃষ্ট ছিল না, প্রত্যবায়ের খাতিরে একথা স্বীকার করিতেই হইবে।

## রামায়ণযুগের শিল্প ।

ভারতের প্রাচীন ইতিহাস আলোচনার ফলে প্রাচীন ভারতের গৌরব-কাহিনী ক্রমশঃ প্রচারিত হইয়া পড়িতেছে। ইহারই ফলে অধঃপতিত ভারতের কথা বিশিষ্টগণ আলোচনা করিয়া বলিতেছেন যে, ভারতের সংস্কৃত ভাষা গ্রীক সাহিত্য অপেক্ষা অনেকাংশে কৌতূহল উদ্রেক করিতে সমর্থ। (১) আবার এমন কথাও কেহ কেহ বলিয়া থাকেন যে, এই ভারতবর্ষই মানবজাতির আদি বাসভূমি। (২) ভারতভূমির আর্য্যগণের করদ্ব্যত জ্ঞানবর্দ্ধিকা-নিঃসৃত আলোক-ধারাই পৃথিবী-পৃষ্ঠে ছড়াইয়া পড়িয়া পৃথিবীকে জ্ঞানালোকে উদ্ভাসিত করিয়াছে। (৩) ফল কথা— ভারত যে একদিন সভ্যতার উচ্চতম গ্রামে অধিষ্ঠিত হইয়াছিল, সে

( ১ ) What can India teach us—by Max Muller.

( ২ ) The Bible in India.

( ৩ ) শ্রীযুক্ত নগেন্দ্রনাথ বসু মহাশয় তাঁহার জাতীয় ইতিহাসের ৯ম অধ্যায়ে দেখাইয়াছেন যে, ভারতীয় বণিকগণই বাবিলন, আসিরিয়া, ইজিপ্ত প্রভৃতি স্থানে বাণিজ্যব্যাপদেশে গমনাগমন করিবার কালে ভারতীয় ধর্ম ও সভ্যতা বিস্তার করেন এবং তাহারই ফলে অতি প্রাচীনকালে ঐ সমুদায় স্থান হুসভ্য জনপদ বলিয়া গণ্য হইতে সমর্থ হয়।

বিষয়ে বিশিষ্টগণের মধ্যে কোন মতভেদ নাই । কিন্তু সেই গৌরবময় দিনের প্রাচীনত্ব সম্বন্ধে সকলে এখনও একমত হইতে পারেন নাই । অনেকে সেই গৌরবের দিনকে প্রাগৈতিহাসিক যুগ পর্য্যন্ত টানিয়া লইয়া যান ; আবার কাহারও বা বিশ্বাস যে, সৃষ্টির প্রথম দিন হইতেই ভারতীয় আৰ্য্যগণ জ্ঞান ও সভ্যতার পরাকাষ্ঠা দেখাইয়া গিয়াছেন । পক্ষান্তরে কোন কোন যুরোপীয় পণ্ডিতগণের মতে গ্রীকদিগের ভারতে পদার্পণের সঙ্গে সঙ্গে ভারতবাসিগণ বিজ্ঞেতৃগণের সংস্পর্শে আসিয়া উচ্চতর জ্ঞান ও সভ্যতার অধিকারী হন । ইহার পূর্বে আৰ্য্যগণ একরূপ সভ্য ছিলেন ; কিন্তু নূতন আদর্শের নিকট সে সভ্যতা—আৰ্য্যসভ্যতা নিতান্তই নগণ্য বলিয়া বিবেচিত হইবার যোগ্য । আমরাদিগের চুরদৃষ্ট যে বৌদ্ধযুগের পূর্ববর্তী কোন ঘটনাই জোর করিয়া বলিবার উপায় নাই । কিন্তু তথাপি এই উক্তির অসারতা প্রতিপাদন করা কঠিন নহে । গ্রীকগণের নিকট হইতে হিন্দুগণ উন্নতিবিধায়ক কোনরূপ সাহায্য লাভ করিয়াছেন, তাহা বিশ্বাস করিবার পক্ষে কল্পনাপুষ্ট জনশ্রুতি ব্যতীত কোন ঐতিহাসিক প্রমাণ নাই ; ( ৪ ) বরং যে গ্রীকগণ বহুকাল ভারত অবস্থানের পরও আপনাদিগের প্রভুত্ব-পরিচায়ক কোন নিদর্শনই রাখিয়া বাইতে পারেন নাই, তাঁহারা ভারতবাসীর সভ্যতার উপর কোন কালেই যে কোনরূপ আধিপত্য স্থাপন করিতে সমর্থ হন নাই, এরূপ বিশ্বাস করিবার যথেষ্ট হেতু আছে । ( ৫ ) আমরা দেখাইব যে, রামায়ণযুগে যেরূপ শিল্পাদির কথা

( ৪ ) The Indo-Aryan Vol I. P. 10.

রাজেন্দ্রবাবু বলেন :—I venture to question the fact that no authentic stone building has been met with of an age anterior to the time of Asoka.

( ৫ ) Asoka by V Smith.

শূনা যায়, তাহাতে সেই প্রাচীন রামায়ণীযুগেও তাঁহারা উন্নতির পথে যথেষ্ট অগ্রসর হইয়াছিলেন ।

আদিম মনুষ্য-সমাজ অরণ্যে হিংস্র পশুদিগের সহিতই বাস করিত । ক্রমশঃ মনুষ্যজাতির উন্নতির সঙ্গে সঙ্গে তাহারা বন কাটাইয়া দলবদ্ধ হইয়া বাস করিতে শিখিয়াছে । তারপর যে স্থানে দিবালাকেও হিংস্র পশুগণ নিঃশঙ্ক বিচরণ করিত, আজ তাহাদের বুদ্ধিবলে সে স্থানে বৈজ্ঞানিক আলোক উদ্ভাসিত প্রশস্ত রাজপথ ও সুরম্য হস্তা-শোভিত বিপণী শ্রেণী শোভা পাইতেছে । কিন্তু এই উন্নতি এক দিনে হয় নাই । মনুষ্যের বুদ্ধি পরিপক্ব হইতে কত যুগ কাটিয়া গিয়াছে ইতিহাস তাহার আলোচনা করিতে বাইয়া শ্রান্ত হইয়া পড়ে । সাধারণের বিশ্বাস যে রামায়ণযুগেও, ভারতীয় অর্য্যগণ ইষ্টক প্রস্তরের ব্যবহার জানিতেন না । ( ৬ ) তখনও তাঁহারা সামান্য মৃন্ময় কুটীর নির্মাণ করিয়া বাস করিতেন । দশরথের রাজপ্রাসাদ সামান্য কুটীর ব্যতীত আর কিছুই হইতে পারে না । ইহার চারিদিকে কোনরূপ প্রাচীর ছিল না । সুদীর্ঘ বংশদণ্ডের সাহায্য-রক্ষিত কুটীর খানির মধ্যে দশরথ পরিবার সহ বাস করিতেন । ( ৭ ) ফাঙ্গ'সান সাহেব এই মতই সমর্থন করিয়াছেন । এসম্বন্ধে তাঁহার উক্তি পাদটীকায় উদ্ধৃত করিয়াছি ; তাহার মর্ম্ম এই যে, দশরথের রাজত্ব কালেও ভারতবাসীগণ প্রস্তরাদির ব্যবহার জানিতেন না, তাহার প্রমাণ যথেষ্ট আছে । এই সময় হইতে মাটি ছাড়িয়া প্রস্তরগৃহ নির্মিত হয় । ( ৮ ) তাঁহার স্থির বিশ্বাস যে হিন্দুগণ ইষ্টকগৃহ নির্মাণবিদ্যা ব্যাকটেরিয়ান

( ৬ ) See Ancient and Mediæval India Vol I. P. 395.

( ৭ ) History of India by Wheeler.

( ৮ ) It is a well-authenticated example of his ( Dasarath's ) reign, and, though cut in granite rock, every form, every detail, is copied from some woollen original, showing that at the time it was



গ্রীকদিগের নিকট হইতে শিক্ষা করেন । ( ৯ ) তাঁহার মতে অশোকের রাজত্বকালে স্থপতি বিদ্যার আলোচনা ও উন্নতি সাধিত হয় । সেই সময় হইতেই ভারতে এই বিদ্যার সমধিক প্রচলন আরম্ভ হয় । ( ১০ )

কিন্তু কনিংহাম ও রাজেন্দ্রলাল প্রমুখ পণ্ডিতগণ এই উক্তির অসারতা দেখাইয়া গিয়াছেন । পূর্বপক্ষ যে কারণ বশতঃ ভারতবাসীকে গ্রীকদিগের নিকট স্থপতি বিদ্যার জ্ঞান প্রাপ্তি করেন, তাহা সংক্ষেপতঃ এই :— বৌদ্ধযুগের পূর্ববর্তী কোন প্রস্তরনির্মিত অট্টালিকাদির অস্তিত্ব সন্ধান পাওয়া যায় না । যে সময় হইতে ভারতবাসিগণ গ্রীকগণের সংস্রবে আসেন, সেই সময় হইতেই ভারতবাসিগণ কর্তৃক প্রস্তরাদি সংযোগে গৃহাদি নির্মাণের পরিচয় ইতিহাস হইতে পাওয়া যায় । স্মৃতির ইহা সহজেই অনুমান করা যাইতে পারে যে, হিন্দুগণ আলেকজান্দারের ভারত আক্রমণের পর হইতে ভারতীয় গ্রীকদিগের নিকটে স্থপতিবিদ্যা শিক্ষা করেন । কিন্তু ডাক্তার রাজেন্দ্রলাল দেখাইয়াছেন যে ভারতে গ্রীক আগমনের পূর্বেও প্রস্তর-খোদিত গুহামন্দিরের একান্ত অভাব নাই । ভুবনেশ্বরের নিকটবর্তী উদয়গিরির গুহাগুলি নন্দবংশীয় নৃপতিগণের শাসনকালে খোদিত হইয়াছিল, ইহা তিনি প্রমাণ প্রসঙ্গে প্রচার করিয়াছেন । ( ১১ ) পুরাতন রাজগৃহ হইতে আনীত জরাসিন্ধুর 'বৈটক'

---

executed, stone-architecture was unknown in India and men were only beginning to think of a more durable material—Lecture on Indian Architecture P. 9,

( ৯ ) The Indians learnt this art from the Bactrian Greeks—History of Architecture P. 171.

( ১০ ) It cannot be too strongly insisted upon or too often repeated that stone-architecture commences with the age of Asoka (B. C. 250)—Tree and Serpent worship p. 77.

( ১১ ) Antiquities of Orissa Vol P. II. 78.

দেখিয়া, কনিংহাম সাহেব অনুমান করেন যে, হিন্দুগণ অন্যান্যক্ষে খ্রীষ্টপূর্ব পঞ্চম শতাব্দীতে প্রস্তরের ব্যবহার জানিতেন । (১২)

ইহা অপেক্ষা প্রাচীনতর যুগেও যে আর্য্যগণ পুরাদি নির্মাণ করিয়া বাস করিতে জানিতেন, সে বিষয়েও প্রমাণের অভাব নাই । উইল্‌সন্ সাহেব তাঁহার ঋক্বেদের অনুবাদ গ্রন্থ হইতে স্বাপত্য প্রভৃতি দেখাইয়াছেন যে, ঋক্বেদে প্রস্তরনির্মিত গৃহাদি ও সুরক্ষিত নগরের যথেষ্ট উল্লেখ দেখিতে পাওয়া যায় । (১৩) বস্তুতঃ ঋক্বেদের সময়েও আর্য্যেরা রাজা পুরপতি গ্রামণী প্রভৃতি উচ্চপদে প্রতিষ্ঠিত ছিলেন । (১৪) সেই প্রাচীন যুগেও আর্য্যগণ গ্রাম ও নগরের মধ্যে পার্থক্য বেশ বুঝিতেন । পুরপতি সহস্র নগরের উপর রাজত্ব করিতেন । (১৫) ইহা হইতেই বেশ বুঝিতে পারা যায় যে, তৎকালে নগর ও গ্রাম স্বতন্ত্র ছিল । এসম্বন্ধে বিশ্বকোষ হইতে একাংশ উদ্ধৃত হইল :—

“তাঁহারা লৌহনির্মিত নগর, ( ৭১৩৭, ১৫১১৪ ) প্রস্তরনির্মিত শত সংখ্যক পুরী, ( ৪১৩০১২১ ) সহস্র দ্বার ও সহস্র স্তম্ভবিশিষ্ট গৃহ (১১১৩৪ ) নির্মাণ করিতেন । উৎকৃষ্ট গৃহ ও সামান্য কুটার ( ১১০১৮ ) ও শতদ্বার বিশিষ্ট যজ্ঞগৃহ (১৫১১৩) প্রভৃতি তাঁহারা অবগত ছিলেন । ইষ্টকাদি দ্বারা

( ১২ ) Archaeological Survey Report III. P. 142-3.

Cunningham সাহেবের কথা এই :—To the Aryans belong the Stone-Walls of old Rajagriha or Kusagarapur, the capital of Bimbisara as well as the Jarasandha-ka-Baithak and the Bimbhar and Sobhandar Caves, all of which date certainly as early as B. C. 500.

(১৩) Wilson's Rig Veda III. P. XIV.

(১৪) বিশ্বকোষ—আর্য্যশব্দ প্রভৃতি ।

(১৫) Wilson's Rig Veda I. 127.

তাঁহারা গৃহাদি নির্মাণ করিতে পারিতেন। (বাজসেন ১৩৩১),  
 বাতায়াতের সুন্দর রাস্তা (ঋক্ ১।৫৮।১) ও দুর্গম পার্শ্বত্যদেশে সুগম পথ  
 নির্মাণ করিতেন”। (১।১১৬।২০)

মুঘর সাহেব অনুমান করেন যে, বেদে দেবোদ্দেশে উক্ত হস্ত্যাদি অর্থ-  
 বোধক বাক্যাংশ অলঙ্কাররূপে (Figuratively) ব্যবহৃত হইয়াছে। (১৬)  
 কিন্তু তিনি স্বীকার করিয়াছেন যে, বেদের ঋষিগণ নিশ্চয়ই হস্ত্যাদির  
 সহিত পরিচিত ছিলেন; নতুবা শুধু কল্পনাবলে কখনই এরূপ অলঙ্কার  
 ব্যবহার করিতে পারিতেন না। (১৭) সূতরাং আৰ্য্যগণ অতি প্রাচীনকালে  
 যে এই স্থপতি বিদ্যার সহিত পরিচিত ছিলেন, সে বিষয়ে কোন সন্দেহ  
 নাই। কোন সুপ্রাচীন যুগে ভারতে ইহার সূত্রপাত হইয়াছিল, তাহা  
 সঠিকরূপে বলিতে না পারিলেও, ইহা বেশ জোরের সহিত বলিতে পারা  
 যায় যে, ভারতীয় আৰ্য্যগণের হস্ত্য ও গুহানিৰ্ম্মাণশক্তি অদ্ভুত; ইহার  
 সহিত গ্রীসিয় বা আসিরিয় প্রথার কোন সাদৃশ্য নাই। আৰ্য্যগণ কাহারও  
 নিকট এবিধা শিক্ষা করেন নাই। কোথা হইতে এই বিদ্যা ভারতে প্রচারিত  
 হইল ঐতিহাসিকগণ এখনও তাহার সন্ধান পান নাই। (১৮) এক্ষণে  
 দেখা যাউক - রামায়ণযুগে ইহার কি প্রকার উন্নতি সাধিত হইয়াছিল।

আমাদিগের বিশ্বাস রামায়ণযুগেই এই বিদ্যার চরম উন্নতি সাধিত  
 হয়। রামায়ণের নানা স্থানে যেরূপ হস্ত্যাদির উল্লেখ দেখা যায়, তাহাতে  
 বেশ বুঝিতে পারা যায় যে, তৎকালে অযোধ্যা নগরী বর্তমান সময়ের  
 কোম বিশিষ্ট নগরী হইতে কোন অংশে নূন ছিল না। আমরা অল্প  
 দেখাইব যে, রামায়ণে সুরম্য হস্ত্যশ্রেণী-পরিশোভিত প্রশস্ত রাজপথের

(১৬) Sanskrit Text V. 451.

(১৭) Ibid V. P. 455.

(১৮) Indo Aryan Vol. I. P. 35.

কথা পড়িতে পড়িতে মনে হয় যেন রামায়ণের কবি বর্তমান যুগের কোন সুসভ্য নগরীর চিত্র অঙ্কিত করিয়াছেন ।

সমস্ত অযোধ্যা নগরী রামের অভিষেক বার্তা শ্রবণ করিয়া আনন্দ-শ্রোতে ভাসমান । কেবল সেই বার্তা মন্মথবিক্রম শলাকার ছায়া একজনকে ব্যথা দিতেছিল । তাহার দুষ্ট-বুদ্ধি-প্রসূত ষড়্‌বন্ধে রামচন্দ্রের সৌভাগ্য আকাশকুসুমের পরিণত হইয়াছিল । বিদ্রোহ-উদ্যোগিত কৃষ্ণ মেঘ তাঁহার সৌভাগ্য-স্বৰ্ণ্যকে কবলিত করিয়া ভবিষ্যতের পশ্চাতে এক করুণ অভিনয়ের সূত্রপাত করিতেছিল । এই সময়ে আমরা রাজ-প্রাসাদের একদিককার ( Side picture ) চিত্র দেখিতে পাই । এই উৎসবের দিনে মহারাজ শান্তি নাই । সে রাজ-অট্টালিকার দ্বিতল-সংলগ্ন প্রকোষ্ঠের গর্ভাঙ্ক দ্বার দিয়া আনন্দশ্রোতে ভাসমান প্রজামণ্ডলীকে দেখিতেছে । প্রশস্ত রাজপথ উৎসবের কোলাহলে মুখরিত । তাহার সে দৃশ্য ভাল লাগিল না । এই বর্ণনা পাঠ করিয়াই মনে কেমন সন্দেহ উপস্থিত হয় ; মনে হয় দশরথের বাসভবন তবে ত প্রকৃতই মুগ্ধ কুটীর হইতে পারে না । তার পর অযোধ্যা বর্ণনা পাঠ করিয়া বেশ বুঝিতে পারা যায় যে ইহা কেবল তথাকথিত ঐতিহাসিকগণের রচা কথা । আমরা নিম্নে সংস্কৃত রামায়ণ হইতে মহাকাব্য-বর্ণিত অযোধ্যার চিত্র উদ্ধৃত করিলাম ।

কোশলো নাম মুদিতঃ স্ত্রীতোজনপদো মহান্ ।

নিবিষ্টঃ সরযুতীরে পশু-ধাত্তধনর্জিমান্ ॥

অযোধ্যানাং তত্রাসীন্নগরী লোকবিশ্রুতা ।

মমুনা মানবেশ্রেণ পুত্রৈব পরিনির্মিতা ॥

আয়তা দশ চ ছে চ যোজনানি মহাপুরী ।

ত্রীমতি ত্রীণি বিস্তীর্ণা নবসংখ্যান-শোভিতা ।

সুবিভক্তান্তরদ্বারা সুবিস্তীর্ণ-মহাপথা ॥

শোভিতা রাজমার্গেণ জলসংশাস্তরেণুনা ॥  
 নানা বণিগ্জনোপেতা নানারত্নবিভূষিতা ।  
 মহাশালাবৃতদুর্গা উত্তানবনশোভিতা ॥  
 দুর্গগন্তীরপরিখা নানায়ুধ-সমন্বিতা ।  
 কবাটতোরণযুগ্মা উপেতা ধনিভিঃ সদা ॥  
 রাজা দশরথো নাম মহাত্মা রাষ্ট্রবর্দ্ধনঃ ।  
 তাং পুরীং পালয়ামাস স্বপুরীং মঘবানিব ॥  
 বৃহদ্বারপ্রতোলিকাং সুবিভক্তাস্তরাপণাম্ ।  
 নানাবস্ত্রায়ুধবতীং নানাশিল্প-শুগাঘ্রিতাম্ ॥  
 শতব্রীপরিখোপেতামুচ্ছ্রিতধ্বজতোরণাম্ ।  
 হস্ত্যশ্বরথসম্পূর্ণাং নানায়ানসমাকুলাম্ ॥  
 নানাপথিকদূতৈশ্চ বণিগ্ভিশ্চোপশোভিতাম্ ।  
 দেবতায়তনৈশ্চৈব বিমানৈরিব শোভিতাম্ ॥  
 সভোত্তানপ্রপাতিশ্চ রুচিরান্নিরলকুতাম্ ।  
 প্রবিভক্ত-মহাহর্ষ্যাং নরনারীগণাঘ্রিতাম্ ॥  
 বিদ্বদ্ভিরাব্যাপুরুষৈরাকৌর্ণামমরোপমৈঃ ।  
 আরোহমিব রত্নানাং প্রতিষ্ঠানমিব শ্রিয়ঃ ॥  
 মহাপ্রাসাদশিখরৈঃ শৈলাগ্রৈরিব ভূষিতাম্ ।  
 বিমানশতসম্বাধামিল্লস্ত্রেবামরাবতীম্ ॥  
 অষ্টাপদপদালিখ্যরম্যামালিখিতামিব ।  
 নানারত্নচয়ৈশ্চিভ্রাং ধন-ধাত্তসমন্বিতাম্ ॥  
 অবিচ্ছিন্নাস্তরগৃহাং সমভূমিনিবেশিতাম্ ।  
 মৃদঙ্গবেণুবীণানাং রম্যৈঃ শব্দৈর্নির্নাদিতাম্ ॥

উপরি উদ্ধৃত বর্ণনাপাঠে কাহার মনে আর্য্যগণের স্থপতি বিত্তালোচনা

বিষয়ে কোন সন্দেহ থাকিতে পারে না। “তোরণ” “হর্ম্য” “দেবায়তন” “প্রাসাদ” প্রভৃতি সংস্কৃত বাক্যাংশলি কখনই মৃন্ময় কুটীরের প্রতি প্রযোজ্য হইতে পারে না, একথা সংস্কৃতবিদগণের অবিদিত নাই। তথাপি যত্নপি ঐতিহাসিকের কথায় বৌদ্ধযুগের পূর্বে ভারতে স্থপতিবিদ্যানভিজ্ঞতা স্বীকার করিয়া লইতে হয়, তবে যে পরিমাণ যুক্তিতর্কের প্রয়োজন আছে, ইংরাজ ঐতিহাসিক হুইলার সাহেব সে পরিমাণ যুক্তিতর্ক প্রদর্শন করিতে পারেন নাই।

আলেকজান্দারের ভারত আক্রমণের পূর্বে ও রামায়ণযুগের কিঞ্চিৎ পরে, ভারতে যে স্থপতি বিদ্যার যথেষ্ট উন্নতি হইয়াছিল, বৈদেশিক ঐতিহাসিকগণের গ্রন্থে সে বিষয়ে সাক্ষ্য দেখিতে পাওয়া যায়। (১৯) ভারত আক্রমণকালে আলেকজান্দার বহুতর ইষ্টক প্রাচীর-পরিরক্ষিত নগরী দেখিয়াছিলেন। (২০) এই সব বিষয়ের আলোচনা করিয়াই বোধ হয় পরবর্তী কালে Burgess সাহেব বলেন যে “But we do not even say that the Hindus had no stone buildings before the time of Alexander; but we say we know of none”—আলেকজান্দারের পূর্বে হিন্দুদের প্রস্তর নির্মিত অট্টালিকা ছিল না, একথা বলি না; আমরা কোন অট্টালিকার সন্ধান পাই নাই, এই কথাই বলিতে চাহি।” (২১) বার্জেস সাহেবের এই উক্তির সহিত এক মত হইতে পারি। তিনি এই মত প্রচার করিয়া ধীরতা ও সত্যানুসন্ধিৎসুতার যথেষ্ট পরিচয় পাওয়া যায়।

(19) Indo Aryan Vol I P. 44.

(20) Rooke's Arrian Vol II.

(21) Bombay Review, March 1880. P. 214.

সুপ্রাচীন সংস্কৃত গ্রন্থাদি ও পুরাণাদিতে আমরা এক দানবের নাম দেখিতে পাই। তিনি এক অদ্বিতীয় শিল্পী। তাঁহার উদ্ভাবনী শক্তির নিকট দেবগণও পরাভব স্বীকার করিতেন। তাহার নাম ময়—সাধারণতঃ ময়-দানব নামে পরিচিত। কথাসরিৎসাগর হইতে, (২২) জানিতে পারা যায় যে, অনার্য্য ময় স্বীয় সম্প্রদায় পরিত্যাগ করিয়া আর্য্যদিগের শরণাগত হন এবং পরে তাঁহাদের দ্বারা উৎসাহিত হইয়া ইন্দ্রের সভা নির্মাণ করেন। তিনি ভারতের প্রথম শিল্পী ও যজ্ঞশাস্ত্রের প্রকৃত প্রবর্তক বলিয়া পুরাণাদিতে কীর্তিত হইয়াছেন। (২৩) রামায়ণে লিখিত আছে যে, তাঁহার নাম কন্বা মন্দোদরী। ময়দানব ঋষিকুলোৎপন্ন রাবণকে স্বীয় কন্বা সম্প্রদান করেন। (২৪) কিস্কিন্ধ্যাকাণ্ডে (৫০।৫১ সর্গে) লিখিত আছে যে, বানরগণ সীতারেষ্মণে চারিদিক্ পর্য্যটন করিতে করিতে ময়দানব-রক্ষিত ঋক্ষবিল নামক স্থানে উপস্থিত হয়। কবি-বর্ণিত তথাকার গবাক্ষশোভিত সপ্ততল গৃহ প্রভৃতির বর্ণনা পাঠ করিয়া ময়দানবের শিল্পনৈপুণ্যের যথেষ্ট পরিচয় পাওয়া যায়। এই ময়দানব কোন সময়কার লোক, তাহা নির্ধারণ করিতে পারিলে ভারতীয় শিল্পের উৎপত্তিকাল নির্ধারণ করা অনেকাংশে সহজ হইয়া পড়ে।

ময়দানব শুধু শিল্পপ্রবর্তক নন। তিনি “ময়শিল্প” নামক একখানি শিল্পগ্রন্থ-প্রণেতা। স্থপতি বিদ্যাবিশারদ বিখ্যাত রামরাজ ময়শিল্পনামক সংস্কৃত পুঁথি দেখিয়া অস্বস্তান করেন যে, ময়দানব রামায়ণযুগের লোক (২৫) রামায়ণে ময়দানবের সম্বন্ধে লিখিত বর্ণনা হইতে উদ্ধৃত বর্ণনা পাঠ

(২২) মদনমঞ্জু কালধ্বক—৩য় তরঙ্গ।

(২৩) প্রবাসী কার্তিক ১৩১৮।

(২৪) উত্তর কাণ্ড ১২ সর্গ।

(২৫) Essay on the Architecture of the Hindus.

করিয়া, এই মতই সমীচীন বলিয়া বোধ হয় । তাজোর হইতে প্রাপ্ত ‘মঙ্গ-শিল্প’ নামক পুঁথি দেখিয়া পণ্ডিতপ্রবর রাজেন্দ্রলাল মিত্র মহাশয় স্পষ্টতঃ বলিয়াছেন যে, এই পুঁথি মহাভারতের বহুপূর্বে রচিত হইয়াছিল, সে বিষয়ে সন্দেহ নাই । রামায়ণের পূর্বে আর কোথায়ও ময়শিল্পীর নামোল্লেখ দেখা যায় না । সুতরাং তিনি যে রামায়ণযুগের লোক, এ মত পোষণ করিবার যথেষ্ট ঐতিহাসিক যুক্তি আছে ।

স্থাপত্য সম্বন্ধে ময়দানবের মতই বহুকাল প্রাচীন ভারতে প্রতিষ্ঠা লাভ করিয়া থাকিবে । আজও যেমন আমরা শিল্পের সহিত বিশ্বকর্ম্মার নামোল্লেখ করিয়া, তাঁহার নৈপুণ্য বুঝাইয়া থাকি, সেইরূপ রামায়ণের পরেও অপেক্ষাকৃত আধুনিক যুগে যাবতীয় শিল্পনৈপুণ্য-প্রকাশক প্রাসাদাদির নির্মাতৃত্বরূপে ময়দানব পরিকীর্তিত হইয়াছেন । ইহাতে তাঁহার কৃতিত্বই প্রকাশ পাইতেছে মাত্র ।

অযোধ্য-বর্ণনা, স্বর্ণলঙ্কা-বর্ণনা প্রভৃতি রামায়ণের বহুস্থান পাঠ করিয়া বেশ বুঝিতে পারা যায় যে, আর্ঘ্যগণ সেই প্রাচীনকালেও শিল্প বিষয়ে চরম উন্নতি সাধন করিয়াছিলেন । বর্ত্তমান যুগে যে সমুদয় বিজ্ঞানসম্মত যন্ত্রের প্রচার করিয়া যুরোপ জগতের পূজ্য হইয়াছেন, তৎ-অর্থবোধক যন্ত্রের উল্লেখ রামায়ণে একাধিক স্থানে দেখা যায় । তথাপি যদি ইংরাজী স্কুলে পঠিত ইংরাজ ঐতিহাসিকের গ্রন্থ পাঠ করিয়া স্বীকার করিতে হয় যে, গ্রীকদিগের ভারতে পদার্পণের পূর্বে আর্ঘ্যগণ যুদ্ধযন্ত্র কুটারে বাস করিতেন, তবে আমাদের নিতান্তই বিড়ম্বনা বলিতে হইবে ।

পণ্ডিতগণ স্থির করিয়াছেন যে, একদিন আমাদের পূর্বপুরুষগণ পরিচ্ছদের ব্যবহার জানিতেন না, পশুচর্মে ভূষিত হইয়া আতপ-তাপ নিবারণ করিতেন । সে কোন্ অতীত যুগের কথা, ইতিহাস তাহা স্পষ্ট বলিতে পারে না ; পুরাণাদি



একটা সুপ্রাচীন যুগের আভাসমাত্র দেয় । ; কিন্তু যে মনুষ্য-সমাজের উদ্ভাবনী-শক্তিবলে প্রত্যহ কত নব তত্ত্বের প্রচার হইতেছে এবং বিজ্ঞানবলে প্রকৃতিদেবী কিস্করীর ছায় সাহচর্য্যে নিযুক্ত আছেন, সে মনুষ্য-জাতির অদ্ভুত বুদ্ধি তাঁহাদিগকে এই অবমাননার মধ্যে অধিক দিন অতিবাহিত করিতে দেয় নাই ।

প্রত্যুত, অতি প্রাচীন যুগ হইতেই ভারতে পরিচ্ছদের প্রচলন দেখা যায় । (১) ঋক্ সংহিতায় স্ত্রের উল্লেখ দেখিয়া (২), পণ্ডিতগণ স্থির করিয়াছেন যে, আৰ্য্যগণ সেই প্রাচীন বৈদিক যুগেও পরিচ্ছদের ব্যবহার অবগত ছিলেন । সায়েন একটি স্তোত্রের ভাষ্যে লিখিয়াছেন যে, তদ্ভবায়ের স্ত্রগুলিতে ভাতের মাড় দেওয়া থাকে বলিয়া ইন্দুরেরা খাইতে ভালবাসে । সুতরাং ইহা হইতে অনুমান করা যাইতে পারে যে, সেই সুপ্রাচীন যুগেও কার্পাস হইতে বস্ত্রবয়ন-প্রণালী আবিষ্কৃত হইয়াছিল । (৩)

কৃতপক্ষে সংহিতার এত অধিক স্থলে পরিচ্ছদের উল্লেখ দেখা যায় যে, সহজেই বুঝা যায়, প্রাচীনেরা তৎকালে বস্ত্রবয়নকৌশল সূচাক্রুরূপে অবগত ছিলেন । এস্থলে সমুদায় মন্ত্রগুলি উদ্ধৃত করিলে, পাঠকের ধৈর্য্যচ্যুতি ঘটিতে পারে । তবে অনুসন্ধিৎসু পাঠকের পক্ষে ইহা বলিলেই

(১) Indo-Aryans Vol. I. P. 166.

২। মূবো ন শিমা বাদস্তি মাধ্যঃ

স্তোতারন্যতে শতক্রতো বিভব্ মে অস্ত রোদসী । (১১০৫৮)

৩। রমেশচন্দ্র দত্ত মহাশয় ইহার এইরূপ অনুবাদ করিয়াছেন :—

মুখিক যেরূপ স্ত্র দংশন করে, হে শতক্রতো! আমি তোমার স্তোতা, হুঃখ আমাকে সেইরূপ দংশন করিতেছে ।

৩। বিশ্বকোশ । কার্পাস শব্দ দ্রষ্টব্য ।

৪। এতদ্ব্যতীত ৩৩৯২, ১১৩৪৪ এবং ৫৪৭১৩ দ্রষ্টব্য । ৫৪৭১৩ স্তোত্রে 'বস্ত্র্য পুত্রায় মাতরো বয়স্তি' দৃষ্ট হয় ।

যথেষ্ট হইবে যে, ঋকসংহিতার ১১৪০১, ১১৫২১, ২১৪১৩, ৯৮৮, ৯৯৬১ প্রভৃতি মন্ত্রগুলি আলোচনা করিলে বেশ বুঝা যায় যে, তৎকালে বেনী ও রঙ্গস্থানের আচ্ছাদন-বস্ত্রের বহুল প্রচার ছিল। অথর্ববেদের মন্ত্রে বস্ত্রের উল্লেখ দেখা যায়। ভারতে এই বয়ন-বিদ্যার ক্রমোন্নতি সাধিত হইয়াছে। ভগবান্ মনু-রচিত স্মৃতিগ্রন্থে এই বয়ন-বিদ্যা ও বস্ত্রের উল্লেখ আছে। যে সময়ে কেবল লজ্জানিবারণোপযোগী পরিচ্ছদ ব্যতীত স্ত্রীলোকের অঙ্গ-সৌষ্ঠবের জন্ত নানা অলঙ্কারবহুল পরিচ্ছদেরও প্রচলন হইয়া থাকিবে। সালঙ্কতা নববধূর কথা সংহিতার নানা স্থানে দৃষ্ট হয়। (৫) এই সব কথা আলোচনা করিলে অস্বীকার করিবার উপায় নাই যে, অতি প্রাচীন কাল হইতেই আর্ঘ্যগণ বস্ত্রবয়নবিদ্যা আয়ত্ত করিয়াছিলেন এবং ভারতে পরিচ্ছদের ব্যবহার প্রচলিত ছিল। (৬) এক্ষণে আমরা রামায়ণ-যুগে পরিচ্ছদ কিরূপ ছিল, তাহার আলোচনা করিব।

রামায়ণযুগ হইতেই নানাবর্ণরঞ্জিত বিভিন্ন প্রকারের পরিচ্ছদের প্রভূত প্রচলন ঘটিয়াছিল, একথা অস্বীকার করিবার উপায় নাই। বিশ্বামিত্রের সঙ্গে রাম-লক্ষণ মিথিলা-নরপতি জনকের যজ্ঞভূমিতে উপনীত হইলে, সীতার সহিত রামের, এবং উশ্নিলার সহিত লক্ষণের উদ্বাহ

৫। নারী যাননি বস্ত্রং বাতে পাপা বাস্তধোগতিং

স্ত্রীধনানি তু তে মোহাচ্ছপস্ত্রীবাস্তি বাস্বাঃ ।

৬। কোন পাশ্চাত্য পণ্ডিত বলেন,—

No trace of linen cloth made from flax is to be found in Manu of any other earlier works of the Hindus, and it is probable that flax has never been made from the linseed plant for the manufacture of yarn.

কিন্তু মনুসংহিতায় 'সর্বকৃ তাস্তবন্ রক্তন্ শাণন্ ক্ষৌদ্র্যাবিকানি চ' প্রভৃতি চরণ পাঠ করিলে সে কথা যথার্থ বলিয়া মনে হয় না।

যথারীতি সম্পন্ন হয় । ইহাতে মিথিলাপতি বহুধনাদির সহিত স্নসজ্জিতা কন্যাকে রামচন্দ্রের হস্তে অর্পণ করেন । রামায়ণে—এরূপ বর্ণনা আছে ।  
যথা—

অথ রাজা বিদেহানাং দদৌ ধনম্ বহু ।

গবাম্ শতসহস্রাণি বহুনি মিথিলেশ্বরঃ ॥

কশ্বলানাঞ্চ মুখ্যানাম্ ক্ষৌর্য্যান্ কোট্যশ্বরাণি চ ।

হস্ত্যশ্বরথপদানাম্ দিব্যরূপম্ স্বলঙ্কৃতম্ ॥

ইহার পর রাজবধূগণ অযোধ্যা-নগরীর সন্নিহিত হইলে কৌশল্যা, সুমিত্রা প্রভৃতি রমণীগণ তাঁহাদের গ্রহণ করিতে গিয়া দেখিলেন যে, রেশমী বস্ত্রে শোভিতা হওয়াতে তাঁহাদের স্বভাব-সৌন্দর্য্য শতগুণে বর্দ্ধিত হইয়াছে ।  
(৭) রামায়ণের নানাস্থানে এইরূপ নানাবর্ণের রেশমী পোষাকের উল্লেখ দেখা যায় । গ্রিকিথ্ সাহেবের অনুবাদ হইতে পাদটীকায় এই উক্ত-সমর্থক একাংশ উদ্ধৃত হইল ।\*

রামায়ণ ও মহাভারতের নানাস্থানে রেশমী বস্ত্রের উল্লেখ দেখিয়া উইলসন্ অনুমান করেন যে অতি প্রাচীন কালে, চীন দেশ হইতে রেশম ভারতে প্রেরিত হইত । সুতরাং আর্ঘ্যগণ যে সমস্ত রেশমবস্ত্রের ব্যবহার জানিতেন । (৯)

7. Gorresio's Ramayan, Part, I. P. 297.

8. Griffith's Ramayan, II. P. 270.

\* Go quickly hence, and with you bear  
Fine silken vestures, rich and rare,  
And gems and many a precious things  
As gifts to Bharat and the king.

9. On the Productive Resources of India. P. 117.

রেশমবস্ত্র ব্যতীত অত্র প্রকারের পরিচ্ছদও প্রচলিত ছিল । রামায়ণ-যুগে ব্রাহ্মণগণ কোষেয়বস্ত্র পরিধান করিতেন । (১০) অযোধ্যাকাণ্ডে ৩৭ অধ্যায়ে শুভ্র বসনদ্বয় পরিত্যাগপূর্ব্বক রাম-লক্ষ্মণের চীরধারণের কথা আছে । রামায়ণের অত্রত্র আমরা দেখিতে পাই যে, সীতাদেবী ব্রাহ্মণ-গণকে উর্ণাদি দ্রব্যজাত নানাবর্ণের বস্ত্র প্রদান করিয়াছিলেন । (১১) রামায়ণের আদিকাণ্ডের ৭৭ অধ্যায়ে দেখা যায় যে, অযোধ্যাপতি দশরথ বধুচতুষ্টয়কে লইয়া স্বরাজ্যে প্রত্যাবৃত্ত হইলে, কৈকেয়ী প্রভৃতি রাজপত্নীরা ক্ষৌমবাস পরিধান করিয়া দেবালয়ে পূজা দ্বিবার জন্ত গমন করেন । “এই সকল আলোচনা করিয়া জানা যায় যে, রামায়ণীয় যুগে শুক্ল, কষায়রঞ্জিত বস্ত্র এবং শুভকার্য্যে ক্ষৌমবাসের প্রচলন ঘটিয়াছিল ।” (১২)

মহাভারতের সভাপর্ব্ব হইতে যুধিষ্ঠিরের রাজসভায় আনীত রাজত্ব-বর্ণের উপটোকনের তালিকা পাঠ করিয়া বেশ বুঝা যায় যে, ভারতে বিভিন্ন জনপদ অতি প্রাচীন যুগেই কতিপয় শিল্পের জন্ত বিশেষ প্রসিদ্ধ হইয়া উঠিয়াছিল । সেই সভায় হিন্দুকুশের নরপতি নানাকারুকার্য্যবিশিষ্ট রেশমী বস্ত্র এবং কর্ণাট ও মহীশূরপতি স্তম্ভ কার্পাসবস্ত্র পাঠাইয়াছিলেন । ইহা হইতে অনুমান করা যায় যে, পূৰ্ব্ব হইতেই এই সকল স্থান উক্ত দ্রব্যের জন্ত খ্যাতিলাভ করিয়া থাকিবে । (১৩) রামায়ণের মধ্যেও নানাপ্রকার পরিচ্ছদোপযোগী দ্রব্যের উল্লেখ দেখিয়া মনে হয়, ভারতীয় পরিচ্ছদের উন্নতি এই সময়েই সাধিত হইয়া থাকিবে এবং মহাভারতোক্ত

১০ । রামায়ণ—২।৩২।১৩

১১ ।        ”        ২।৫২।৮২

১২ । বিশ্বকোষ—বয়ন শব্দ দ্রষ্টব্য ।

13. Journal of the Royal Asiatic Society, Vol. VII. P. 140.

কার্পাসবস্ত্র প্রভৃতির জন্ত বিখ্যাত জনপদসমূহ এই সময় হইতেই উক্ত ব্যবসামূহের জন্ত প্রসিদ্ধি লাভ করিয়া থাকিবে ।

রামায়ণীয় যুগে শিল্পাদির কতদূর উন্নতি সাধিত হইয়াছিল, তাহা আমরা ঠিক বলিতে পারি না । কিন্তু ইহাতে আৰ্যাদিগের শিল্পাভিজ্ঞতা-সম্বন্ধে হতাশ হইবার কোন কারণ নাই । (১৪) কারণ, রামায়ণীয় যুগের অব্যবহিত পরবর্ত্তী যুগেই আমরা ভারতীয় শিল্পের আদর আশিরা মাইনর প্রভৃতি স্থানে দেখিতে পাই । বাইবেলে দেখিতে পাওয়া যায় যে, ভারত-বাসিগণ বস্ত্রাদি বয়ন করিয়া বিদেশে পাঠাইয়া দিত । (১৫) Heeren স্পষ্টতঃ বলিয়াছেন যে টায়ার ও বাবিলনে বিক্রয়ার্থ আনীত সুরঞ্জিত বস্ত্রাদি যে ভারতজাত তাহা সন্দেহ করিবার কোন হেতু নাই । (১৬) সুতরাং যখন পৃথিবীতে সভ্যতার রক্তিম উবালোক ছড়াইয়া পড়ে নাই, যখন অতি প্রাচীন সুসভ্য জনপদও অজ্ঞতার অন্ধকারে আচ্ছন্ন ছিল, তখন ভারতীয় আৰ্যগণ জ্ঞানবর্দ্ধিকা হস্তে পৃথিবী ভ্রমণ করিয়া আলোক ছড়াইয়াছেন ; সুসভ্য জনপদের অভাব দূর করিয়াছেন, বিদেশের লজ্জা দূর করিবার জন্ত স্বদেশে সৌখীন বস্ত্র বয়ন করিয়া বিদেশে বিক্রয় করিয়াছেন । কিন্তু তথাপি তথাকথিত ঐতিহাসিকের 'রচা' কথা পড়িয়া যদি বিশ্বাস করিতে

১৪. 'ঐতিহাসিক চিত্রে' প্রকাশিত "রামায়ণের শিল্প" প্রবন্ধ দ্রষ্টব্য ।

15. Ezekiel, XXVII. 24, where we read—These were thy merchants in all sorts of things, In blue clothes, and brodered work, And in chests of rich apparel, bound with cords, and made of cedar, among thy merchandise.

16. Heeren in his Historical Researches, III. P. 363 says "That the coloured cloth and rich apparel brought to Tyre and Babylon from distant countries were partly of Indian manufacture will scarcely be doubted."

হয়, যে বৌদ্ধযুগের পরবর্ত্তী যুগ হইতেই আৰ্য্যসভ্যতার সৃষ্টি হইয়াছে, তবে আমাদের ইতিহাস-পাঠি বিভ্রম্ণনামাত্র । (১৭)

রামায়ণ-যুগে কি প্রকার (style) পরিচ্ছদের প্রচলন ছিল, তাহার আলোচনা করিয়া প্রবন্ধ শেষ করিব । আশ্বেক্সন্দরের ভারতাক্রমণের

সময় পর্য্যন্ত হিন্দুগণ ধুতি ও চাদর ব্যতীত অন্ত  
স্থচিবস্ত্র

কোনরূপ পরিচ্ছদের ব্যবহার অবগত ছিলেন না,—

কোন কোন বিদেশীয় ঐতিহাসিক এ কথার প্রচার করিতে কোন কুণ্ঠা বোধ করেন নাই । জনসাধারণের ধুতি ও চাদর একমাত্র পরিচ্ছদ হইলেও, ইহা কখনই বিশ্বাস্ত নয় যে, রাজগণ ও উচ্চপদস্থ ব্যক্তিসমূহ সর্বসময়ে ধুতি ও চাদরমাত্র ব্যবহার করিতেন ।

(১৮) ঋক্ সংহিতায় সূচীকার্য্যবিশিষ্ট বস্ত্রের উল্লেখ দেখা যায় । সে প্রাচীন যুগেও আৰ্য্যগণ বস্ত্র কাটিয়া সূচের সাহায্যে উচ্চ অঙ্গের পরিচ্ছদপ্রস্তুত-প্রণালী অবগত ছিলেন । (১৯) ষাঁহার উড়িষ্যার দেবমন্দিরগাত্রে অঙ্কিত মূর্ত্তির প্রতি লক্ষ্য করিয়াছেন, তাঁহার অবগত আছেন, অধিকাংশ মূর্ত্তিই নানাবিধ সুন্দর সুদৃশ্য পরিচ্ছদে সজ্জিত । উদয়গিরির রাণী-গুম্ফায় একটা মূর্ত্তির গাত্রে বর্ত্তমান সময়োপযোগী চাপকান দেখিতে পাওয়া যায় । (২০) আমরা ভুবনেশ্বরের মন্দিরগাত্রে কতিপয় মূর্ত্তির পাদদ্বয় চৰ্ম্মনির্ম্মিত পাছকায় আচ্ছাদিত দেখিয়াছি । কর্ণেল মেডোন্স টেলার সাহেব অজন্তার গিরিগাত্রে একটি মূর্ত্তিকে গ্রীস দেশীয় সুন্দর পরিচ্ছদের ত্রায় রেশভূষায়

১৭। কোন কোন পাশ্চাত্য পণ্ডিত এই মত পোষণ করেন, তাহা ইতিহাস-পাঠকের অবদিত নাই ।

18. Indo-Aryan, Vol I. P. 177.

19. Wilson's Rig-veda II. P, 28; and IV, P. 60.

20. A popular account of Manners and Customs of India, P, 120

লেখনীমুখে এমন এক বিচিত্র চিত্র পরিস্ফুট হইয়া উঠিয়াছে যে ভারতের আবাল-বৃদ্ধবনিতা কাহারও নিকট সে ঘটনা অবদিত নাই । এই

পাছকার কথা যে শুধু কবিকল্পনা নয়, একথা

নিঃসন্দেহে বলা যাইতে পারে । Arrian তাঁহার পুস্তকে এইরূপ পাছকার স্পষ্টতঃ উল্লেখ করিয়াছেন । তাঁহার বর্ণনা পাঠ করিয়া আজও উড়িষ্যাপ্রদেশের পাছকার কথা মনে পড়ে । (২৫)

উপসংহারে বলা যাইতে পারে যে, আর্য্যগণ অতি প্রাচীন যুগে, শুধু যে আধ্যাত্মিক উন্নতির পরাকাষ্ঠা প্রদর্শন করিয়া গিয়াছেন তাহা নয়, পরন্তু যুরোপ আজি বসন ও ভূষণের যে মাপ কাটিকে সভ্যতার পরিমাপক বলিয়া মনে করেন, তাহার দ্বারাও প্রাচীন ভারতের সভ্যতা মাপিতে যাইলে তাহার স্থান অনেক উচ্চে দেখিয়া এবং প্রাচীনগণের সর্ব্ববিষয়ে পারদর্শিতা লক্ষ্য করিয়া যুগপৎ বিস্ময়ে ও আনন্দে অভিভূত হইয়া পড়িতে হয় ।

25. "They, the Indians, wear shoes made of white leather and these are elaborately trimmed, while the soles are variegated and made of great thickness, to make the wearer seem so much taller. M'crindles Translation, P. 220.

## জনপদ ।

রামায়ণে অনেকগুলি জনপদের উল্লেখ দেখা যায়। নিম্নে তাহাদিগের নাম উদ্ধৃত করিলাম :—

১। বহ্লীক—ইংরাজ ঐতিহাসিকগণের মতে ইহারই আর একটা নাম ব্যাকট্রিয়া। বর্তমান সময়ে ইহা বক্সা নামে পরিচিত।

২। কষোজ—ইহা হিন্দুকুশের উত্তর। কালিদাসের রচনায় ইহার উল্লেখ আছে। তাঁহার বর্ণনায় মনে হয়, ইহা হিমালয়ের উত্তরে অবস্থিত ছিল।

৩। স্তবীর—ইহা অতি প্রকাণ্ড জনপদ। রাজপুতনার দক্ষিণ পশ্চিমে ইহা অবস্থিত ছিল।

৪। মৎস্ত—কনিংহাম সাহেবের মতে রাজপুতনার অন্তর্গত জয়পুরের অধিকাংশ পূর্বে মৎস্তদেশ নামে পরিচিত ছিল।

৫। বিরাট—জয়পুর হইতে ৪১ মাইল দূরে বিরাট রাজ্য অবস্থিত ছিল।

৬। সঙ্কশ—কনোজ হইতে ৩৩ মাইল দূরে অবস্থিত।

৭। বিদর্ভ—বর্তমান সময়ে বেরার ও বেদার বলিতে যে ভূখণ্ড বুঝায়, পূর্বে তাহা বিদর্ভ রাজ্যের অন্তর্গত ছিল।

৮। ধর্ম্মারণ্য—মধ্য দেশের অন্তর্গত অরণ্য।

৯। বৈশালী—কনিংহাম সাহেব বলেন যে, গণ্ডক নদীর পশ্চিমে বিশাড় নামক ক্ষুদ্র জনপদই প্রাচীন বৈশালী।

১০। হস্তিনাপুর—বর্তমান দিল্লী সহর হইতে ৫৭ মাইল উত্তর-পূর্বে অবস্থিত ছিল।



১১। পঞ্চাল—থানেশ্বরের পূর্বে অবস্থিত ছিল। মহাভারতের সময়ই ইহার প্রসিদ্ধি ঘটে।

১২। মাল্যবৎ—ভবভূতির উত্তরচরিতে ইহার উল্লেখ আছে; যথা—সোহয়ং শৈলঃ কবুভ—সুরভি মাল্যবান্ নাম যস্মিন্। ডাউসন সাহেব বলেন যে, মালাবারের সন্নিকটে অবস্থিত পশ্চিমঘাট নামক শৈলের একাংশের নাম মাল্যবৎ।

১৩। মহেন্দ্রপর্বত—সম্ভবতঃ পূর্বঘাট পর্বতশ্রেণী।

১৪। বেদস্মৃতি—আরাবলী

১৫। অঙ্গ—ইহার প্রাচীন রাজধানীর নাম চাম্পাপুর। অঙ্গ লোমপাদ ঋষির রাজ্য ছিল, ইহা গঙ্গা ও সরযুর সঙ্গমস্থলে অবস্থিত ছিল।

১৬। ভরদ্বাজ আশ্রম—ভরদ্বাজ ঋষির আশ্রম সম্ভবতঃ বর্তমান এলাহাবাদের নিকট অবস্থিত ছিল।

রামচন্দ্র দণ্ডকারণ্যে যাইবার কালে ভরদ্বাজের আশ্রমে উপস্থিত হন।

১৭ কেকয়—বিয়াস ও সট্লেজ নদীর উপকূলে কৈকেয়ী-পিতার রাজ্য—

১৮। কিষ্কিন্ধ্যা—মধ্যভারত।

১৯। শর্কণ—উনাও হইতে ২৫ মাইল দক্ষিণ-পশ্চিমে অবস্থিত ছিল। এইখানে অন্ধমুনির পুত্র সিদ্ধ দশরথের হস্তে নিহত হন।

২০। বাল্মিকী আশ্রম—বিথুর

২১। বিশ্বামিত্র আশ্রম—এইখানে রামচন্দ্র তাড়কাকে নিহত করেন। ইহার বর্তমান নাম বক্সার।

২২। গান্ধার—ইহা অতি প্রাচীন জনপদ। ঋগ্বেদেও ইহার উল্লেখ

আছে । ( ১১২৬৭ ) পূর্বকালে পাঞ্জাবের পশ্চিমাংশ ও প্রায় সমুদায় আফগানিস্তান গান্ধার নামে অভিহিত হইত ।

২৭ । শিবাট—ইহার বর্তমান নাম সেবিস্তান ।

২৮ । ক্ষত্রিয়—সিদ্ধনদের পশ্চিমে ও ডেরাইসমাইলখার দক্ষিণে এই রাজ্য অবস্থিত ছিল ।

২৯ । পোরব—গোয়ালিয়র ও তাহার উত্তর বিভাগ পোরব নামে অভিহিত হইত । টলেমী ইহাকেই Poprouari বলিয়াছেন ।

৩০ । জাঞ্চল—পাঁচকরা ও সিদ্ধনদের মধ্যবর্তী বর্তমান বুনার নামক স্থানের উত্তর ।

৩১ । তক্ষশিলা—রামায়ণের উত্তরকাণ্ড পাঠ করিয়া বুঝিতে পারা যায় যে, ভরতপুত্রের নামানুসারে এই স্থানের নাম তক্ষশিলা হইয়াছে । গ্রীকগণ ইহাকে ট্যাক্শিলা বলিয়াছেন । বর্তমান নাম শাহ ধেরী ।

৩২ । তিমির—ইহাকে Zamerai বলিয়াছেন । ইহা গারো পাহাড়ে অবস্থিত ছিল ।

৩৩ । মিথিলা—চম্পারণ ও দ্বারভঙ্গ ।

৩৪ । চেদি—( ৪১৪১১৪ ) বৃন্দেলখণ্ড ও তাহার দক্ষিণ প্রদেশ ।

৩৫ । সৌরাষ্ট্র—গুজরাট ।

৩৬ । অনাও—কাথিয়াবাদ ।

৩৭ । আভীর—আরাবল্লীর পশ্চিমদিকস্থ প্রদেশ ।

৩৮ । বিশাল—পাঞ্জাব ।

উক্ত জনপদ সমূহের মধ্যে কতিপয় জনপদের সম্বন্ধে বিশেষভাবে আলোচনা করিব ।

## অযোধ্যা ।

—, ১০, —

রামায়ণী সভ্যতার কেন্দ্র-ভূমি অযোধ্যা । কলনাদিনী সরযুর তরঙ্গ-চুষ্টিত মহানগরী অযোধ্যা ধনে, জ্ঞানে ও সভ্যতায় অতি উচ্চস্থান অধিকার করিয়াছিল । তাহার সেই অতীত সম্পদ আজ কোন্ স্বপ্ন-সমুদ্রে চিরদিনের জন্ত বিলীন হইয়াছে,—তাহার সভ্যতা উপহসিত, অম্বর-চুসী প্রাসাদসমূহ কালের কঠোর নিয়মে ধ্বংস-স্তূপে পরিণত হইয়াছে । নগরের নানা অতীত সাক্ষী,—জীর্ণস্তূপ, ভগ্ন অট্টালিকা ও কলনা-পুষ্ট জনপ্রবাদ অপসারিত করিয়া আজি তাহার অতীত ইতিহাসের ধারণা করিতে চেষ্টা করা বাতুলতা কি না কে বলিতে পারে ? একদিন ছিল, যখন তাহার নাম ভারতের নর-নারীকণ্ঠে ঘোষিত হইত । তখন আবাল-বৃদ্ধ-বনিতা জানিত “অযোধ্যা, মথুরা, মায়্যা, কাশী, কাঞ্চী, অবন্তিকা ; পুরী, দ্বারাবতী চৈব সপ্তৈত মোক্ষদায়িকাঃ ।” কিন্তু প্রাকৃতিক নিয়মে কিছুই অপরিবর্তনীয় নহে । তাহার পর ভারতের রাজনৈতিক গগন অন্ধকার করিয়া বড় উঠিল । ভারত-জননীর স্বর্ণ-মুকুট অশনিসম্পাতে খসিয়া পড়িল, ভারতের রত্নসিংহাসন অতলে ডুবিয়া গেল । তাই কাল যেথায় মর্ত্যে নন্দনকানন ছিল,—যাহার উৎসবের কলহাস্তে দিগন্ত মুখরিত হইত, যাহার পারিপাট্য সকলকে মোহিত করিত ; আজ আছে সেথায় ধ্বংস-স্তূপ, ক্ষীণ স্মৃতি, ভক্তের অশ্রু ও ঐতিহাসিকের আজন্ম সাধনার উপাদান ।

অযোধ্যার অপর নাম সাকেত । রামায়ণে লিখিত আছে যে, অশ্বজিত সাকেতপতি দশরথের হস্তে স্বীয় কন্যা কৈকেয়ীকে সমর্পণ করেন । ইহা সরযুর উপকূলে অবস্থিত ছিল । কনিংহাম সাহেব বলেন যে যুয়েংশং যে

বিশাখা নগরের উল্লেখ করিয়াছেন, তাহা রামায়ণের অযোধ্যা । বিশাখা বৌদ্ধজগতে সুপরিচিতা । বৌদ্ধশাস্ত্র হইতে জানিতে পারি যে, তিনি সাক্যে বা অযোধ্যায় বাস করিতেন । সম্ভবতঃ তাঁহারই নামানুসারে অযোধ্যা বৌদ্ধজগতে পরিচিত হইয়া থাকিবে । চৈন পরিব্রাজক কৌশাঙ্গী দর্শন করিয়া, তথা হইতে ১৭০।১৮০ লি ( প্রায় ২৫।৩০ ক্রোশ ) অতিক্রম-পূর্বক বিশাখা রাজ্যে উপনীত হন । তাঁহার সময়েও ইহা একটা প্রসিদ্ধ রাজ্য ছিল ; ইহার বহু বিস্তৃত রাজধানী ও শাস্ত্র এবং মোক্ষকামী অধিবাসিগণের উল্লেখ করিয়া, যুয়েংশং প্রসঙ্গক্রমে ইহার ভূয়সী প্রশংসা করিয়াছেন । তৎকালে বিশাখায় ২০টা সজ্জারাম প্রতিষ্ঠিত ছিল, এবং তথায় হীনায়ন সম্প্রদায়ভুক্ত ৩০০০ শ্রমণ বাস করিতেন । রাজধানীর উত্তরে রাজপথের বামপার্শ্বে একটা বৃহৎ সজ্জারামে ধর্মপাল বোধিসত্ত্ব বাস করিতেন । ইহারই নিকটে বুদ্ধদেবের নির্মাণ্যপরিত্যক্ত পুষ্পবীজোৎপন্ন একটা বৃক্ষ বিস্ত্রমান ছিল । ইহা উচ্চে প্রায় ৭ ফিট । এইস্থানে বিশাখা একটা সজ্জারাম প্রতিষ্ঠিত করিয়াছিলেন বলিয়া বৌদ্ধশাস্ত্রবিৎ হার্ডি সাহেব অনুমান করেন ।

রামায়ণে কথিত হইয়াছে যে, অযোধ্যা দ্বাদশ যোজন বিস্তৃত ছিল । এই বিস্তৃত নগরে ব্যবসাব্যপদেশে দেশদেশান্তরের বণিকগণ ক্রয়-বিক্রয়ার্থ উপস্থিত হইত । সুবিভক্ত রাজপথ, নানায়ুধসময়িতা দুর্গপরিখা এবং বিচিত্র পুষ্পরাজি শোভিত উদ্যান ইহার যশঃ দেশ বিদেশে বোঝিত করিয়াছিল । তথায় প্রজাগণ পরম সুখে বাস করিত ; বেদাধ্যয়নরত ব্রাহ্মণগণের বেদপাঠে সমস্ত নগর মুখরিত থাকিত । প্রজাগণ জিতেন্দ্রিয় ও সত্যবাক্ ছিলেন । পরম শক্তিশালী দশরথ, ইন্দ্রের তায় এই পুরী শাসন করিতেন । এই পুরী স্বয়ং মহু নির্মাণ করেন । অযোধ্যার এবম্বিধ বর্ণনা পাঠ করিয়া স্পষ্ট বুঝিতে পারা যায় যে, ভারতবর্ষের মধ্যে অযোধ্যা

অতি প্রাচীনকালেই প্রসিদ্ধি লাভ করিয়াছিল। স্বর্ধ্যবংশীয় নৃপতিগণ কর্তৃক বহুকাল এইস্থান শাসিত হইবার পর মহাভারতের মহাসমরকালে অযোধ্যার অবনতি ঘটে। বিক্রমাদিত্য পুনরায় বন কাটাইয়া এইস্থানে বর্তমান নগরের প্রতিষ্ঠা করেন। কনিংহাম প্রভৃতি প্রাচ্য পণ্ডিতগণ অনুমান করেন যে বর্তমান সময়ে তত্রত্য হিন্দু-মন্দিরাদি রাজচক্রবর্তী বিক্রমাদিত্য কর্তৃক প্রতিষ্ঠিত। ইহা অপেক্ষা প্রাচীনতর নিদর্শন অযোধ্যায় দেখিতে পাওয়া যায় না। অনেকে অনুমান করেন যে, বৌদ্ধ-বিপ্লবের সময়ে নাগেশ্বর মহাদেবের মন্দির প্রভৃতি বহু প্রাচীন মন্দিরাদি বিনষ্ট হইয়াছে।

অযোধ্যায় বহু রাজ্য-বিপ্লব ঘটিয়াছে। স্বর্ধ্যবংশীয় নৃপতিগণের রাজত্ব শেষ হইলে, বিক্রমাদিত্য এই স্থান শাসন করেন। তৎপরে সমুদ্রপাল নামক জনৈক যোগী বিক্রমাদিত্যকে পরাস্ত করিয়া এই স্থান অধিকার করেন। প্রবাদ আছে যে, ইহার সপ্তম পুরুষ পর্য্যন্ত প্রায় ৬৪৩ বৎসর ধরিয়া এই স্থান সমুদ্রপালদিগের অধিকারে ছিল।

বহু ধর্মবিপ্লবের জন্তও অযোধ্যা প্রসিদ্ধ। বুদ্ধদেব অযোধ্যায় আসিয়া ধর্মপ্রচার করেন। তৎকর্তৃক পরিত্যক্ত দাতন বৃক্ষের কথা পূর্বেই বলিয়াছি। ইহার সন্নিকটে শ্রাবস্তী। ইক্ষাকু হইতে অষ্টমপুরুষ পরে যুবনাশ্বের পুত্র শ্রাবস্ত রাজা এই নগর স্থাপন করেন। এই স্থান বৌদ্ধধর্মের অনুশীলনের জন্ত বিখ্যাত ছিল। জৈনদিগের প্রথম তীর্থঙ্কর আদিনাথ অযোধ্যায় জন্ম গ্রহণ করেন। এতদ্ব্যতীত দ্বিতীয় তীর্থঙ্কর অজিতনাথ, চতুর্থ তীর্থঙ্কর অভিনন্দন নাথ, ষষ্ঠ তীর্থঙ্কর স্মমন্তনাথ এবং চতুর্দশ তীর্থঙ্কর অনন্তনাথ ইহারা সকলেই অযোধ্যায় জন্মগ্রহণ করিয়া জৈনধর্ম প্রচার করেন।

খৃঃ অষ্টম শতাব্দীতে আরু নামক এক অসভ্য পার্শ্ব জাতি হিমালয়

পূর্বত হইতে আসিয়া অযোধ্যার জঙ্গল পরিষ্কার করে, কিন্তু তাহারা রাজ্য বিস্তার করিবার কোন চেষ্টা করে নাই। অযোধ্যায় আকুগণের পদার্পণের পর, একশত বৎসর গত হইলে, জৈনধর্মাবলম্বী সোমবংশীয় নৃপতিগণ আকুগণকে অযোধ্যা হইতে বহিষ্কৃত করিয়া প্রায় দুইশত বৎসর ধরিয়া এই স্থান শাসন করেন। একাদশ শতাব্দীর শেষভাগে কনোজের রাজা চন্দ্রদেব, চন্দ্রবংশীয় নরপতিগণকে দুরীভূত করিয়া, অযোধ্যা অধিকার করেন। ইহার পর অযোধ্যা ভড় নামক অসভ্য জাতির অধিকারে আইসে। ১১৯৪ খৃষ্টাব্দে শাহাউদ্দীন ঘোরী কনোজ জয় করিয়া অযোধ্যা লুণ্ঠন করেন। এই সময়েই প্রাচীন অযোধ্যা নগরী যবন-অধিকারভুক্ত হয়।

অযোধ্যায় বহু হিন্দু মন্দির আজিও মোক্ষকামী হিন্দুর ভক্তি আকর্ষণ করিতেছে। কিন্তু প্রত্নতত্ত্ববিদের নিকট তাহারা প্রাচীনত্বের দাবী রক্ষা করিতে পারে নাই। ঐতিহাসিকগণ স্থির করিয়াছেন যে, তাহারা নিতান্তই আধুনিক যুগে নির্মিত; কোন কোনটা ২০০ শত বৎসরের অধিক পুরাতন নয়। তথাপি আমরা নিম্নে কতিপয় প্রসিদ্ধ স্থানের উল্লেখ করিলাম;—

১। অযোধ্যার মধ্যে রামকোট একটা প্রসিদ্ধ স্থান। ইহা নগরের পূর্বদ্বারে অবস্থিত। কথিত আছে, শ্রীরামচন্দ্র নগর রক্ষা করিবার জন্ত প্রাচীরবেষ্টিত এই দুর্গ নির্মাণ করেন। ইহার চারিদ্বারে বিশটা বুরুজ ছিল; হনুমান্ সুগ্রীব প্রভৃতি সেনাপতিরা ইহার উপরে অবস্থান করিয়া নগর রক্ষা করিতেন। এই দুর্গের উপরে একটা ক্ষুদ্র মন্দির দৃষ্ট হয়। কনিংহাম সাহেব বলেন যে, এই স্থান বহু পুরাতন এবং ইহাতে সন্দেহ করিবার কারণ নাই। কিন্তু রামকোটের উপরিস্থিত মন্দির মোগল সম্রাট ঔরঙ্গজেবের সময়ে নির্মিত হইয়াছে।

২। অযোধ্যায় প্রবেশ করিলেই নিকটে মণি পর্বত । লক্ষ্মণ শক্তিশেলে আহত হইলে হনুমান্ বিশল্যকরলী আনিতে গিয়া সমস্ত গন্ধমাদন পর্বত মস্তকে ধারণ করিয়া শূন্তপথে আসিবার সময়ে ভরততৃণ-নিঃসৃত বাণাহত হইয়া ভূমিতে পড়িয়া যান । গন্ধমাদনের ভগ্নাংশই বর্ত্তমান মণি পর্বত ।

মণি পর্বত উচ্চে ৪৪ হাত । ইহা ভগ্ন ইষ্টক ও কঙ্করে পরিপূর্ণ । এক কালে ইহার চারিধারে প্রাচীর ছিল, ইহার এক একখানি ইট ১১ দীর্ঘ । এই স্তূপের কাল নির্ণয় করিতে যাওয়া বিড়ম্বনা মাত্র । অনেকের ধারণা যে, ইহা একটা বৌদ্ধ স্তূপমাত্র । যুয়েংশং যে অশোক স্তূপের উল্লেখ করিয়াছেন, অনেকের বিশ্বাস মণি পর্বত সেই অশোক স্তূপ । কিন্তু এই স্তূপের নিম্নে একবার একখানি ফলক পাওয়া গিয়াছিল; তাহাতে লিখিত আছে যে, মগধরাজবংশের নন্দবর্দ্ধন নামক জনৈক নরপতি মণি পর্বত নিৰ্ম্মাণ করাইয়াছিলেন ।

৩। মণি পর্বত ব্যতীত অযোধ্যায় কুবের পর্বত ও সূগ্রীব পর্বত নামক দুইটা কৃত্রিম ক্ষুদ্র স্তূপ দেখিতে পাওয়া যায় । কুবের পর্বত উচ্চতায় ২৮ ফিট এবং সূগ্রীব পর্বত ১০ ফিট মাত্র । ইহারা এক্ষণে ধ্বংসস্তূপ ও জঙ্গলে পরিপূর্ণ । কুবের পর্বতের নিকটে গণেশকুণ্ড নামক একটা ক্ষুদ্র জলাশয় দেখিতে পাওয়া যায় । মুসলমানগণ প্রতি বৎসর এই জলাশয়ে “তাজিয়া” বিসর্জন দেয় বলিয়া, তাহারা ইহাকে “ইমাম তলাও” নামে অভিহিত করে ।

যুয়েংশংয়ের বর্ণনা হইতে জানিতে পারা যায় যে, অযোধ্যায় একটা স্তূপে বুদ্ধের কেশ ও নখ রক্ষিত হইয়াছিল । পরবর্ত্তী প্রব্রতত্ববিদগণ এই স্তূপের অঙ্গুসন্ধান করিয়াছেন । কনিংহাম সাহেব বলেন যে, আলোচ্য স্তূপ বর্ত্তমান সময়ে কুবের পর্বত নামে পরিচিত । এই স্তূপের সন্নিকটস্থ গণেশকুণ্ড নামক জলাশয়ের উল্লেখ উক্ত স্তূপের বর্ণনাগ্রসঙ্গে

দেখা যায়। ইহাতে তাঁহার মত সমীচীন বলিয়া বোধ হয়। স্মগ্রীব পর্বত দৈর্ঘ্যে ৫০০ ফিট এবং বিস্তারে ৩০০ ফিট হইবে। যুয়েংশং অযোধ্যায় একটা বিখ্যাত বৌদ্ধ মঠের উল্লেখ করেন। মহাবংশে বর্ণিত পূর্বরামই উক্ত মঠ বলিয়া পরবর্তী ঐতিহাসিকগণ স্থির করিয়াছেন। কনিংহাম সাহেব বলেন, কুবের পর্বত উক্ত মঠের ধ্বংসাবশেষ। ইহার বিস্তৃতি ও আকার তাঁহার মতই সমর্থন করে। এতদ্ব্যতীত এই স্তূপের মধ্যস্থলে কতিপয় গৃহ ও একটি কূপের চিহ্ন আবিষ্কৃত হওয়াতে এককালে যে ইহা একটি বৌদ্ধ মঠ ছিল, এ বিষয়ে আর কাহার সন্দেহ নাই।

৪। মণি পর্বতের নিকট দুইটি কবর আছে। মুসলমানগণ বলেন, ঐ কবরে সেথ ও জুব পয়গম্বর সমাহিত আছেন। গ্রডউইন্ সাহেব কর্তৃক অনূদিত আইনী আকবরী গ্রন্থেও এই কবরটির উল্লেখ দেখা যায়। তৎকালে এই দুইটি কবর যথাক্রমে দৈর্ঘ্যে ৭ ফিট ও ৬ ফিট ছিল। কিন্তু বর্তমান সময়ে ইহার যথাক্রমে দৈর্ঘ্যে ১৭ ফিট ও ১২ ফিট হইবে। ইহারই নিকটে সোমগিরি নামে আরও দুইটি ছোট ছোট স্তূপ আছে। সোমগিরির বিশেষ বৃত্তান্ত জানা যায় না।

অযোধ্যায় এখন সর্বসমেত ৯৬টি মন্দির আছে। তন্মধ্যে ৬৩টি বিষ্ণু-মন্দির এবং ৩৩টি শিবমন্দির! কথিত আছে, বিক্রমাদিত্য ৩৬০টি মন্দির নির্মাণ করাইয়াছিলেন। তাহার অনেকগুলিই কালে বিনষ্ট হইয়া থাকিবে। বর্তমান সময়ে স্বর্গদ্বারের অতিশয় ছরবছা। যশোবন্ত রায়ের পত্নী অহল্যা বাইয়ের অর্থে স্বর্গদ্বারস্থ রামসীতার মন্দিরের সংস্কার হইয়াছে। আজিও এই দেবালয়ের ব্যয়নির্বাহার্থ ইন্দোর হইতে প্রতি বৎসর ২৩১৮ টাকা রুতি পাওয়া যায়। অযোধ্যায় প্রতি বৎসর রামনবমীর সময়ে একটা মেলা হয়, তাহাতে বহু লক্ষ লোকের সমাগম হয়।

হিন্দু মন্দির ব্যতীত অযোধ্যায় কতিপয় মসজিদ ও কয়েকটা বৈষ্ণব-



দিগের মঠ আছে । স্বর্গদ্বারের নিকট মুসলমানদিগের একটি মসজিদ দেখিতে পাওয়া যায় । ইহা ঔরঙ্গজেবের সময় নির্মিত হইয়াছে । হুমায়ূন গড়ে নির্বাণী সম্প্রদায়ের একটি মঠ আছে । এই সম্প্রদায়ের বৈষ্ণবেরা চারিটি শাখায় বিভক্ত ;—যথা কৃষ্ণদাসী, তুলসীদাসী, মণিরামী এবং জানকীশরণ দাসী । এতদ্ব্যতীত রামঘাটে ও গুপ্তঘাটে নিম্নোহীসম্প্রদায় ভুক্ত বৈষ্ণবদিগের একটি আখড়া আছে । ইঁহারা সকলে নিক্করভূমি ভোগ করিয়া থাকেন ।

অযোধ্যা, কোশল রাজ্যের রাজধানী ছিল । এই সমৃদ্ধিশালী জনপদের ইতিহাস এখনও সংগৃহীত হয় নাই, কখন হইবে কি না সন্দেহ । অর্য্য সভ্যতা বিস্তারের সঙ্গে সঙ্গে অতি প্রাচীনকালে কোশল রাজ্যের উন্নতি হইয়াছিল । বহুদিন হইল তাহার সে গৌরব-জ্যোতিঃ অপমৃত হইয়াছে । প্রকৃত পক্ষে অযোধ্যার ধ্বংসকার্য্য বহুদিন পূর্বেই আরম্ভ হইয়াছে । প্রাচীন ভারতের সেই সুবিখ্যাত রাজধানী দুইবার জনহীন প্রান্তরে পর্য্যবসিত হইয়াছিল । তাহার পর তাহার শেষ স্থিতিটুকু বিস্মৃতির তমঃকীর্ণ যবনিকার অন্তরালে বিলীন হইয়াছে ।

## বিদেহ ।

বিদেহের অপর নাম মিথিলা। ইহা অতি পুরাতন জনপদ। যে প্রাগৈতিহাসিকযুগের পুরাবৃত্ত অতীতের বিস্মৃতিগর্ভে লুপ্ত হইয়াছে, সেই যুগ হইতেই বিদেহের নাম দেশবিদেশে পরিচিত হইয়াছিল। কিন্তু আজ সেই অতীত গৌরব-দিনের ক্ষীণস্মৃতি মাত্র বিদ্যমান। তাহার ধারাবাহিক ইতিহাস অনাদরে কালক্রমে বিলুপ্ত হইয়াছে। আজ সেই পুরাণ-বিশ্রুত মিথিলার স্থান ও সীমা নির্দেশ করা পর্য্যন্ত একরূপ অসম্ভব হইয়া পড়িয়াছে।

মিথিলার স্থান নির্দেশ করিতে বাইয়া ইংরাজ ঐতিহাসিকগণ নানারূপ বিরুদ্ধমতের সৃষ্টি করিয়াছেন। কাহারও মতে, বিদেহ বর্তমান ত্রিছতের অন্তর্গত, আবার কাহারও মতে অগ্নাই। সেই তর্কবিতর্কের আলোচনা করিয়া অনর্থক সময় নষ্ট করিয়া ফল নাই। আমাদের মনে হয় যে, আলোচ্য মিথিলা বা বিদেহ ত্রিছত জিলার অন্তর্গত ছিল। এই মতপ্রতিপোষক যুক্তি আমরা প্রদর্শন করিতেছি।

১। ইংরাজ ঐতিহাসিক হণ্টার-প্রমুখ ব্যক্তিগণ স্পষ্টতঃ মিথিলাকে বর্তমান ত্রিছতের অন্তর্গত জনপদ বলিয়া প্রচার করিয়াছেন। Buddhist India নামক পুস্তকের ৩৭ ও ৩৮ পৃষ্ঠায় বিদেহের আলোচনা করিয়া বৌদ্ধশাস্ত্রবিৎ বিখ্যাত অধ্যাপক রিজ ডেভিডস যাহা বলিয়াছেন, তাহার সার মর্ম্ম এই :—

বিদেহ একটি প্রাচীন জনপদ; মিথিলা ইহার রাজধানী ছিল। এক সময়ে বিদেহরাজ্য বিশেষ সমৃদ্ধিসম্পন্ন ছিল। নানা বৌদ্ধ জাতকে ইহার উল্লেখ আছে। এক সময়ে মিথিলা নগরের পরিধি ৫০ মাইলের অধিক

ছিল। ইহা বৌদ্ধধর্মের কেন্দ্র বৈশালী বা বিশালীর ৩৫ মাইল উত্তর-পূর্বে অবস্থিত ছিল। ইহা বর্তমান ত্রিহুতের অন্তর্গত।

২। ত্রিহুত জিলার অন্তর্গত জনকপুর, মহর্ষি গৌতমাশ্রমের ভগ্নাবশেষ এবং লোকপরম্পরাপ্রচলিত বহু কিম্বদন্তী এই অতীত জনপদের স্থিতি অক্ষুণ্ণ রাখিয়াছে। ইহা যে ত্রিহুত জেলার অন্তর্গত জনপদ—এই মত পোষকতার পক্ষে ইহার যথেষ্ট সহায়তা করিয়া থাকে।

৩। আমরা রামায়ণ হইতে জানিতে পারি যে, তপোধন বিশ্বামিত্র রাম-লক্ষ্মণকে সঙ্গে লইয়া অযোধ্যা হইতে অর্দ্ধযোজন পথ অতিক্রমপূর্বক সরস্বর দক্ষিণতীরে আসিয়া উপনীত হইলেন। সে স্থান হইতে তাঁহারা নৌকাযোগে গঙ্গাবক্ষে দক্ষিণদিকে অগ্রসর হইয়া একটি স্থাপদসঙ্কুল অরণ্য দেখিতে পান। নদীতীর হইতে অর্দ্ধযোজন পথ অতিক্রম করিয়া তাঁহারা তাড়কার বাসভবনের সন্নিহিত হইলেন। এই স্থানে যজ্ঞ-সমাপন-পূর্বক, উত্তরদিকে গমন করিয়া ক্রমশঃ গিরিব্রজ (মগধ) অতিক্রম করিয়া তাঁহারা বিশালাধিপতি সুমিত্রির আতিথ্য গ্রহণ করেন। পরদিবস তাঁহারা বিশালা হইতে যাত্রা করিয়া পূর্বোক্ত কোণাভিমুখে জনকের যজ্ঞক্ষেত্রে উপনীত হইলেন। এই বর্ণনা হইতে বেশ বুঝিতে পারা যায় যে, বিশ্বামিত্রের সঙ্গে রামলক্ষ্মণ মগধ অতিক্রম করিয়া ত্রিহুত অভিমুখে যাত্রা করেন।

৪। মিথিলা যে প্রাচীন তীরভূমি বা ত্রিহুতের অন্তর্গত ছিল, এ কথা চীনপরিব্রাজক য়ুয়েংশং স্পষ্টতঃ স্বীকার করিয়াছেন। তাঁহার সময়ে গঙ্গার উত্তরতীরস্থ সমস্ত প্রদেশ বুজ্জি নামে অভিহিত হইত। এই প্রদেশ আবার নানা জনপদে বিভক্ত ছিল। তন্মধ্যে বৈশালী বা বিশালা, তীরভূমি বা ত্রিহুত এবং মিথিলাই প্রধান।

৫। ত্রিহুত প্রদেশে মিথিলার অবস্থান সম্বন্ধে শাস্ত্রীয় প্রমাণের

অভাব নাই । এ বিষয়ে ভবিষ্যৎপুরাণে উল্লেখ দেখিতে পাওয়া যায়, যথা—

নিমে পুঞ্জস্ত তত্রৈব মিথির্ণাম মহানৃশ্বতঃ ।

প্রথমং ভূজবলৈর্ঘেন তৈরহতস্ত পার্শ্বতঃ ॥

নির্ম্মিতং স্বীয় নাম্না চ মিথিলাপুরমুত্তমম্

পুরীজননসামর্থ্যাজ্জনকঃ সচ কীর্তিতঃ ।

এই রাজ্য কখন বা মিথিলা কখন বা বিদেহ কখন বা ত্রিহুত নামে পরিচিত হইয়াছে । শক্তিসঙ্গমতন্ত্রে গণ্ডকীতীর হইতে আরম্ভ করিয়া চম্পারণ্যের শেষ সীমা পর্য্যন্ত ইহা বিস্তৃত ছিল বলিয়া কথিত হইয়াছে ।

গণ্ডকীতীরমারভ্য চম্পারণ্যাস্ত্রগে শিবে ।

বিদেহভূঃ সমাখ্যাতাঃ তৈরভূক্তাভিঃ স চ ॥

এইরূপ আরও বহুতর শাস্ত্রীয় প্রমাণ উদ্ধৃত করা যাইতে পারে । তাহাতে মিথিলাকে প্রাচীন ত্রিহুতের অন্তর্গত ভূভাগ বলিয়া অনুমান করিবার যথেষ্ট সঙ্গত কারণ আছে বলিয়া মনে হয় । রামায়ণে বিদেহ, মগধ প্রভৃতি দেশকে অপবিত্র বলা হইয়াছে । ইহাতে বোধ হয় যে, তখনও এই সকল দেশে আৰ্য্যসভ্যতা সম্যক প্রতিষ্ঠিত হয় নাই । এই কারণে বঙ্গদেশে আসিতে হইলে প্রায়শ্চিত্তের ব্যবস্থা ছিল । এ কারণেও আমরা মিথিলাকে ত্রিহুতের সন্নিহিত কোন জনপদ বলিয়া মনে করি ।

ভারতের ইতিহাস নাই । কত শত পুণ্যজনপদের পবিত্র স্মৃতি বিস্মৃতি-সাগরে লীন হইয়াছে, তাহার ইয়ত্তা নাই । স্মৃতিরূপ মিথিলার ধারাবাহিক ইতিহাস প্রকাশ করা সম্ভব নহে । কেবল ইহার গৌরবময় দিনের অস্তিত্ব বুঝিবার উপযোগী একটি ক্ষীণস্মৃতি আজও ভারতবাসীর হৃদয়ে বর্তমান রহিয়াছে । তাহাতে বুঝিতে পারা যায় যে, ভারতবর্ষের মধ্যে ইহা এককালে গৌরবের স্থান ছিল । শাস্ত্রে দেখিতে পাই যে, এককালে শত শত পুণ্যাত্মা ঋষির পবিত্র তপস্তায় এই স্থান পুত হইয়াছিল । মহাভারতের

সময়েও মিথিলার গৌরবের হ্রাস হয় নাই । ভারতীয় মহাসমরে বিদেহ-রাজ কৌরবের পক্ষ হইয়া যুদ্ধ করিয়াছিলেন । অতি প্রাচীন কালেই এই জনপদ সভ্যতার উচ্চতম গ্রামে প্রতিষ্ঠিত হইয়াছিল । বর্তমান সময়েও শ্রায়শাস্ত্রের জন্ত এ স্থান সমধিক প্রসিদ্ধ ।

বাঙ্গালার প্রসিদ্ধ নৈরায়িক বাম্ভদেব সার্বভৌম মিথিলায় শ্রায়শাস্ত্র অধ্যয়ন করেন । আমাদের দুর্ভাগ্য, কেবল কল্পনাপুষ্ট ছইএকটি কিস্বদন্তী এই প্রাচীন স্থানের ইতিহাসের স্থান অধিকার করিয়া বসিয়া আছে ।

মিথিলার রাজনৈতিক ইতিহাস অতি সংক্ষিপ্ত । তাহা যতটুকু অবগত হওয়া যায়, তাহা সংক্ষেপতঃ এই—চন্দ্রবংশীয় নৃপতিগণের অব্যবহিত পরেই মহাভারতের সময়ে যদুবংশীয় নৃপতিগণ মিথিলার শাসনদণ্ড পরিচালন করেন ; ঐতিহাসিক যুগে যে সকল নরপতি মিথিলা শাসন করিয়াছেন, তন্মধ্যে কর্ণাট হইতে আগত প্রমরবংশীয় ক্ষত্রিয় নৃপতিগণের নাম বিশেষভাবে উল্লেখযোগ্য । এই বংশের আদিনৃপতি ১০১১ শকে বা ১০০৯ খৃষ্টাব্দে ত্রিহিতে আগমন করেন । প্রায় ২৩৫ বৎসর রাজত্বের পর এই বংশের শেষ রাজা হরিসিংহ দেব যবনহস্তে পরাজিত হইয়া নেপালের অরণ্যমধ্যে আশ্রয় গ্রহণ করেন । তৎপরে এক ব্রাহ্মণবংশ মিথিলা শাসন করেন । এই বংশের শিবসিংহ দেবের সময়ে বিখ্যাত কবি বিদ্যাপতি বর্তমান ছিলেন । ইহার পর হইতে ত্রিহিতের নাম আর শুনা যায় না, সে প্রাচীন জনপদ অতীতের স্বপ্নসমুদ্রে ডুবিয়া যায় ।

আমরা বিদেহরাজ জনকের বিষয় আলোচনা কারতে বসিয়া প্রসঙ্গক্রমে মিথিলার পুরাতত্ত্বের আলোচনা করিয়াছি । এই বার রাজর্ষির বিষয় আলোচনা করা যাউক ।

মহাভাগ জনকের উৎপত্তি সম্বন্ধে বিষ্ণুপুরাণে এইরূপ লিখিত আছে:—রাজা নিমি অপুত্রক ছিলেন । তাঁহার মৃত্যু হইলে রাজ্যে অরাজকতার

আশঙ্ক। করিয়া মৃত নিমির শরীর মুনিগণ অরণিতে মথন করেন ; এই মথনের ফলে যে কুমার উৎপন্ন হইলেন তাঁহারই নাম জনক । তাঁহার পিতা বিদেহ ( দেহ-রহিত ) বলিয়া তাঁহার নাম বিদেহ । মথনের ফলে উৎপন্ন বলিয়া তিনি মিথিল নামেও প্রসিদ্ধ । স্মৃতরাং মিথিলা, বিদেহ এবং জনক এক ব্যক্তিরই নামান্তরমাত্র । শ্রীমদ্ভাগবতেও এই উক্তি সমর্থিত হইয়াছে, যথা—

অরাজক ভয়ম্‌নুগাম্‌ মত্তমানামহর্ষয়ঃ

দেহম্‌ মমাহুঃ ন নিমে কুমারঃ সমজায়ত ।

জন্মানা জনকম্‌ সোহভূদ্বিদেহস্তবিদেহজঃ

মিথিলো মথনজ্জাতো মিথিলায়েন নিশ্চিতা ।

কিন্তু রামায়ণ হইতে আমরা জানিতে পারি যে, নিমির পুত্র মিথি এবং মিথির পুত্র জনক । রামায়ণকে অধিকতর প্রামাণিক গ্রন্থ বোধে পণ্ডিতেরা জনককে মিথির পুত্র বলিয়াই অঙ্গীকার করিয়া লয়েন । অযোধ্যা-পতি মহাত্মা দশরথ যে সময়ে প্রাতঃভূত হইলেন তৎকালে মিথিতনয় জনক মিথিলা শাসন করিতেন । তিনি ধার্মিক ও ব্রহ্মপরায়ণ । তিনি রাজ্যে-স্বর হইয়াও ভিখারী । তিনি মণিময় সিংহাসনে প্রতিষ্ঠিত থাকিলেও এই স্বার্থসংস্কৃত জগতের নীচতা তাহাকে স্পর্শ করিতে পারিত না । ফলতঃ তিনি সর্বপ্রকার ভোগ্যবস্তুর দ্বারা নিয়ত পরিবেষ্টিত থাকিয়াও এক দিকে তৎসমুদায়ে যেমন একেবারে স্পৃহাশূন্য হইয়াছিলেন, অপর দিকে তেমনই প্রজাপালনপরিদর্শনেও কিছুমাত্র পরাশ্রুত ছিলেন না ।

ভারতে যে সময় কশ্মিকাণ্ডের মহাত্ম্য কীর্তন করিবার জন্ত নানাস্থানে যজ্ঞবেদী নিশ্চিত হইয়া ব্রাহ্মণ্যধর্মের গৌরব অক্ষুণ্ণ করিতেছিল, সেই সময়ে ব্রহ্মবিদ্যা নামে পরিচিত উপনিষদবর্ণিত তত্ত্বজ্ঞান ভারতের রাজত্ব-গণ কর্তৃক ধীরে ধীরে উদ্ভাবিত, প্রচারিত ও পরিশোধিত হইতেছিল ।

এই অভিনব বিদ্যা ব্রাহ্মণগণ ক্ষত্রিয়দিগের নিকট হইতে শিক্ষা করিতেন। ইহারই ফলে উদার বৌদ্ধধর্মের আবির্ভাবের পথ সুগম হইয়াছিল। মহাভাগ জনক এই অমূল্য তত্ত্বজ্ঞানের অধিকারী ছিলেন। ব্রাহ্মণগণ তত্ত্বজিজ্ঞাসু হইয়া তাঁহার নিকট আসিতে কিছুগাত্র কুণ্ঠা বোধ করিতেন না। তাঁহার ধর্মজ্ঞানে মুগ্ধ হইয়া প্রাচীন আর্য্যসমাজ তাঁহাকে রাজর্ষি আখ্যায় ভূষিত করিয়াছিলেন। বিখ্যাত যাজ্ঞবল্ক্য ঋষি তাঁহার আশ্রমে থাকিয়া শতপথ ব্রাহ্মণ রচনা করেন। এই শতপথ ব্রাহ্মণ হইতে জানিতে পারা যায় যে, রাজর্ষি জনক কতিপয় ব্রাহ্মণকে অগ্নিহোত্রের বিষয় প্রশ্ন করেন। তাঁহারা কেহই তাঁহার প্রশ্নের উত্তর দিতে পারিলেন না। কেবল যাজ্ঞবল্ক্য আংশিকভাবে তাঁহার প্রশ্নের উত্তর দিলেন। ইহাতে ব্রাহ্মণগণ কুপিত হইয়া প্রেহান করিলে যাজ্ঞবল্ক্য জনকের অনুসরণ করেন। ক্ষত্রিয়গণের নিকট ব্রাহ্মণগণের পরাভবের কথা বহু উপনিষদের নানাস্থানে লিখিত আছে। তত্ত্বজ্ঞানসম্পন্ন জনকের নিকট তত্ত্বজিজ্ঞাসু ঋষিগণের আগমনবিষয় পাঠ করিয়া বুঝিতে পারা যায় যে, বৌদ্ধযুগে ব্রাহ্মণপ্রভাব খণ্ডিত ও রাজত্বশক্তি স্থাপিত হয়। উপনিষদ সেই যুগের আগমন প্রতীক্ষা করিতেছিল।

জনকের সময় হইতেই এই ব্রহ্মবিদ্যার সূত্রপাত হয়। যে মহাত্মার আবির্ভাবে এমন মতের সৃষ্টি হইয়াছে, যাহার উদারতার নিকট বিংশ শতাব্দীর অধ্যাত্ম তত্ত্বও ন্যূন হইয়া যায়, এবং যাহার প্রতি সভ্যতাগর্ভিত যুরোপীয় সমাজও সম্মান দেখাইতে কুণ্ঠিত হয়েন না, সেই মহাপুরুষের জীবনের একটি চিত্র রামায়ণে দেখিতে পাওয়া যায়। সে চিত্র কি উন্নত! সংসারভাগী বিরাট পুরুষ কর্তব্যানুরোধে সিংহাসনে উপবিষ্ট। তপোবনের স্নিগ্ধ ছায়ায় রাজা জনক দ্রীপুত্র লইয়াও সন্ন্যাসী।

## কিষ্কিন্ধ্যা

কিষ্কিন্ধ্যার অবস্থান লইয়া, ঐতিহাসিকগণের মধ্যে যেরূপ মতভেদ দেখা যায়, তাহাতে ইহার প্রকৃত স্থান নির্দেশ করিতে যাওয়া, আপাততঃ নিতান্তই বিড়ম্বনা বলিয়া বোধ হয়। ভারতে বহু প্রাকৃতিক পরিবর্তন ঘটিয়াছে। কত কলনাদিনী শ্রোতস্বতীর গতি পরিবর্তনের সঙ্গে সঙ্গে নানারত্ন-বিভূষিতা ভারতের প্রাচীন নগরী স্থলিত-সৌভাগ্য হইয়া নগণ্য-গ্রামমাত্রে পর্যাবসিত হইয়াছে; তাহার দীনাভরণের নিম্নে কোন অমূল্য রত্ন লুক্কায়িত রহিয়াছে, তাহা কেহ জানে না, কেহ তাহা জানিতে চেষ্টাও করে না! আজ কয়টি জনপদের প্রকৃত ও বিস্তৃত ইতিহাস লিখিত হইয়াছে? ইহার উপর আবার কত শত জনপদের চিহ্ন পর্য্যন্ত কাল সহকারে অতীতের অসীম আবর্তে পড়িয়া ভবিতব্যের বিধানে লোপ পাইয়াছে; আজ শত চেষ্টা করিলেও হয়ত আর তাহাদিগের সন্ধান পাওয়া যাইবে না! সুতরাং প্রাচীন সাহিত্য-বর্ণিত জনপদাদির ভৌগোলিক-স্থান নির্দেশ করা নিতান্ত হ্রস্ব ব্যাপার, এবং অতি ধীর-ভাবে সমস্ত বিষয়ের আলোচনা না করিয়া, মতামত দিবার চেষ্টা করিলে, তাহা যে ভ্রমসঙ্কুল হইতে পারে, তাহা আর বিশেষ করিয়া বলিবার প্রয়োজন নাই।

বহু ইংরাজ ঐতিহাসিকই কিষ্কিন্ধ্যার অবস্থান নির্দেশ করিতে চেষ্টা করিয়াছেন। কিন্তু নানা বিচার ও বিতর্কের পর, তাঁহারা কেহই অস্ত্রের সহিত একমত হইতে পারেন নাই। তাঁহাদিগের মধ্যে মনিয়ার উইলিয়ম্‌স্ বলেন, যে রামায়ণে কিষ্কিন্ধ্যার বর্ণনা দেখিয়া মনে হয় ইহা বর্তমান সময়ের ওদ্রা (Odra) প্রদেশে অবস্থিত ছিল। গ্রিফিথ সাহেব ইহা



অঙ্গীকার করিতে প্রস্তুত বন। তিনি বলেন যে, কিষ্কিন্দ্যার উত্তরে দণ্ডকারণ্য এবং পূর্বে, পশ্চিম ও দক্ষিণে অপার সমুদ্র থাকায়, ইহা দাক্ষিণাত্যের একাংশ হইবে তাহাতে সন্দেহ নাই। বর্তমান মহীশূর রাজ্য ইহার অন্তর্গত ছিল। বর্তমান সময়ে এই মতই সমধিক প্রচলিত। কিন্তু ইহা আমাদের নিকট সমীচীন বলিয়া বোধ হয় না। আমরা রামায়ণ হইতেই কিষ্কিন্দ্যার অবস্থান নির্দেশ করিতে চেষ্টা করিব।

এইখানে একটি কথা বলিয়া রাখি। ঠাঁহাদিগের ধারণা রামায়ণ-বর্ণিত জনপদগুলি কবির উর্বর মস্তিষ্কপ্রসূত, কোন দিনই তাঁহাদিগের অস্তিত্ব ছিল না, তাঁহারা ধৈর্য্যের সহিত রামায়ণ পাঠ করেন নাই। রামায়ণ-বর্ণিত একটা জনপদও কল্পিত নয়। মহাকবি এমন সুন্দররূপে প্রসঙ্গক্রমে প্রত্যেক জনপদের বর্ণনা ও স্থান নির্দেশ করিয়াছেন যে, তাহা পাঠ করিলে, স্বীকার করিতেই হইবে কবি স্বর্ণতুলিকা হস্তে লইয়া কেবল কল্পনায়াজোই বিচরণ করিতেন না, তিনি তখনকার ভারতের সমগ্র তথ্য অতি দক্ষতার সহিত আয়ত্ত করিয়াছিলেন। \* এ কথা নিঃসন্দেহে প্রমাণ করা যাইতে পারে। এতদ্ব্যতীত অল্ বারুণির ভারতে কিষ্কিন্দ্যার উল্লেখ আছে। ১ তাহাতে বেশ বুঝা যায় মহাকবি আমাদের ঐতিহাসিকগণকে প্রবঞ্চিত করিবার জন্ত অলীক কাহিনীর সৃষ্টি করেন নাই।

রামায়ণে লিখিত আছে যে, পিতৃরাজ্য পরিত্যাগ করিয়া রাম দণ্ডকারণ্যে উপস্থিত হন ; এবং পরে মহর্ষি অগস্ত্যের আশ্রমে উপস্থিত হইয়া বলেন, “হে মহর্ষে ! আমাকে এমন একটি স্থান নির্দেশ করিয়া দিন,

---

\* N. C. Dass's Ancient Geography Compiled from the Ramayana

১। Indian Antiquary 1893.

যেখানে প্রচুর জল ও বহু কানন আছে । আমি সেইরূপ স্থানে আশ্রম  
নিৰ্ম্মাণ করিয়া, সুখে বাস করিতে ইচ্ছা করি ।” ২ ইহার উত্তরের  
জন্ত ক্ষণকাল চিন্তা করিয়া মহর্ষি রামকে বলেন, “বৎস, এই স্থান  
হইতে দুই যোজন দূরে, পঞ্চবটী নামে একটা পরম রমণীয় স্থান আছে ।  
সেখানে জল ও ফল-মূল প্রচুর পরিমাণে পাওয়া যায় । সেইখানে আশ্রম  
নিৰ্ম্মাণ কর; তাহা গোদাবরী নদীর নিকটে এবং মৈথিলীও সেখানে  
পরম সুখে কালযাপন করিবেন ।” ৩

ইহার দ্বারা পঞ্চবটীর অবস্থান নিরূপিত হয় । উপরেই বলা হইয়াছে  
যে, অগস্ত্য-আশ্রমের দ্বিযোজন দূরে এবং গোদাবরীর সমীপে পঞ্চবটী  
অবস্থিত ছিল । গোদাবরী নদী বিষ্ণ্যাচলের দক্ষিণে প্রবাহিত হইত ।  
ইহাতেই ঐতিহাসিকগণ স্থির করিয়াছেন যে, বৰ্ত্তমান নাসিকেরই অপর  
নাম পঞ্চবটী । ৪ সীতা অপহৃত হইলে, রাম-লক্ষ্মণ তাঁহার অনুসন্ধান  
করিতে করিতে কিষ্কিন্ধ্যা রাজ্যে উপনীত হন । এই রাজ্যের অন্তর্গত  
ঋষ্যমুক পর্বতে সূগ্রীবাদি বানরাদির সহিত তাঁহার সাক্ষাৎ হয় । সূগ্রীব  
ও রামচন্দ্রের মধ্যে মিত্রতা স্থাপিত হইলে, অঙ্গদাদি কপিগণ সীতার  
অন্বেষণার্থ দক্ষিণমুখে গমন করে । কিয়দূর গমনের পর, তাহারা বিষ্ণ্য  
পর্বতে আসিয়া উপস্থিত হয় । সহস্রশিখর বিষ্ণ্যপর্বতের গুহাকাননাদি  
স্থান অনুসন্ধানের পর তাহারা এক পুষ্প-পর্ণ বিবৰ্জিত ঘোর নির্জ্জনা-  
রণ্যে প্রবেশ করে । তথায় সীতার অন্বেষণের পর, “বিষ্ণ্য-কানন-  
সঙ্কীর্ণাং বিচেক্ষদক্ষিণাং দিশঃ” ( কিষ্কিন্ধ্যা-৪৯।১৫ )—তাহারা বিষ্ণ্যকানন-

২ । কিন্তু ব্যাদিশ মে দেশং সৌদকম্ বহু কাননম্ ।

যত্রাভ্রমপদং কৃদ্ধা বসেয়ং চিরতঃ সুখম্ ॥ ( আরণ্য ১৩৭ )

৩ । আরণ্য ১৩৭ ( ১৩-১৮ )

৪ । Dowson's Hind Mvth.

সমাকীর্ণ দক্ষিণ দিকে গমন করে। তথায় লোম্ববনে শারদাদ্রুপ্রতিম রজত-পর্বতে ও বহু শৈল-কন্দরে বৈদেহীর অনুসন্ধান করিয়াও, যখন তাঁহার কোন সংবাদই পাইল না, তখন তাহারা বিদ্যাচলের প্রথমা-বধি সমস্ত প্রদেশই অনুসন্ধান করিল।\* অর্থাৎ তাহারা প্রথমে দক্ষিণ-দিকে অগ্রসর হইয়া বিদ্যার উত্তরে উপস্থিত হয়, এবং তথায় দক্ষিণেও সীতার সন্ধান না পাওয়াতে পর্বতের সর্বত্র পরিভ্রমণ করে। ইহাতে মনে হয় কিষ্কিন্দ্যা বিদ্যাপর্বতের উত্তরেই অবস্থিত ছিল।

সেই পর্বতের দক্ষিণ পশ্চিমস্থিত শৃঙ্গে এক মাস অবস্থানের পর তাহারা ঋষবিল নামক প্রকাণ্ড বিলে প্রবেশ করে। তথায় স্বয়ম্ভাবাস করিতেন। বানরগণ তাহাকে নির্গমনের পথ জিজ্ঞাসা করায়, তৎকর্তৃক নিঃসারিত হইয়া, নানা দ্রুমলতায়ুক্ত বিদ্যাচল ও পার্শ্বভাগে সাগর দেখিতে পায়। ১ “এই বর্ণনা পাঠে স্পষ্টই প্রতীত হয় যে, কিষ্কিন্দ্যা পরিত্যাগ-পূর্বক কপিগণ দক্ষিণ-পশ্চিম মুখে অগ্রসর হইয়া, বিদ্যা-পর্বতের শৈল-সমাচ্ছন্ন পথে উহার দক্ষিণ-পশ্চিম প্রান্তবর্তী গিরিশৃঙ্গে উপস্থিত হয় এবং তথা হইতে আরব্য সাগরের তটভিষাতী তরঙ্গমালা দেখিতে পায়।” ২ এইখানেই তাহারা স্ত্রীবেদের ভয়ে প্রায়োপবেশনে প্রাণত্যাগ করিতে ক্লত-সঙ্কল্প হইলে জটায়ু ভ্রাতা সম্প্রতি নিকট হইতে সীতা ও লঙ্কার সংবাদ প্রাপ্ত হয়। ইহারই শত যোজন দূরে লঙ্কাপুরী অবস্থিত ছিল। ইহাতে বুঝা যায় যে, কিষ্কিন্দ্যা বিদ্যা-গিরির উত্তরে অবস্থিত ছিল।

\* বিদ্যামেবাদিতঃ কৃচ্ছা বিচরন্ত সমন্ততঃ ।

[ কিষ্কিন্দ্যা ৪৯।২২

১। এষ বিদ্যো গিরিঃ শ্রীমান্নানাদ্রুমলতায়ুতঃ ।

এষ প্রস্রবণঃ শৈল এষ পার্শ্ব মহোদধিঃ ॥

[ গোরেসিন্ত সং কিষ্কিন্দ্যা ৫২।৩১-৩২ ।

২। ভারতী ১৩০৬ ভাদ্র ৪২০ পৃঃ ।

কিঙ্কিয়ার ৪১ সর্গে লিখিত আছে যে, কিঙ্কিয়ার দক্ষিণে নন্দা, গোদাবরী, বিন্ধ্যা, বেত্রবতী ( বর্তমান বেটওয়া ) এবং দশান' অবস্থিত ছিল। ইহার পশ্চিমে সৌর্যষ্ট্র, দ্বারাবতী, সিদ্ধু, সৌবীর ও আমর্ত এবং ( বোম্বাই সংস্করণ মতে ) বালুকাময় মরুস্থলী প্রভৃতির উল্লেখ আছে এবং ইহার উত্তরে শূরসেন ( মথুরা ) ও মৎস্তাদি প্রদেশের অবস্থান বর্ণিত হইয়াছে।<sup>৩</sup> সুতরাং মহীশূর অঞ্চলে যাহারা কিঙ্কিয়ার অবস্থান নির্দেশ করেন, উক্ত বচনগুলি যে তাহাদিগের মতের প্রতিকূলতা আচরণ করে, তাহা বলাই বাহুল্য। রামায়ণ-বর্ণিত কিঙ্কিয়ার অবস্থান পাঠ করিয়া, কোনরূপেই বলা যায় না যে, কিঙ্কিয়া মহীশূর প্রদেশে অবস্থিত ছিল। শ্রীযুক্ত নবীনচন্দ্র দাস মহাশয় তাঁহার ইংরাজী পুস্তকে \* বলেন যে, বর্তমান সময়ে আমরা মধ্যভারত বলিতে যতটা বুঝি, তাহার অনেকটা লইয়াই কিঙ্কিয়া রাজ্য গঠিত হইয়া ছিল। ইহা মধ্যভারতেই অবস্থিত ছিল; কিঙ্কিয়ার সম্বন্ধে এই পরিচ্ছেদে যাহা লিখিত হইয়াছে, তাহা স্থিরভাবে পাঠ করিলে এই মতই যথার্থ বলিয়া মনে হয়।

৩। কিঙ্কিয়া ৪৩ সর্গ।

\* The Ancient Geography of Asia.

## সুবর্ণ-দ্বীপ বা লঙ্কা

রামায়ণ-বর্ণিত লঙ্কার বিবরণ পাঠ করিতে করিতে মনে হয়, কবি বুঝিবা বিংশ শতাব্দীর কোন উন্নত জনপদের বিবরণ লিপিবদ্ধ করিয়াছেন। সে রমণীয় চিত্র অতীব চমকপ্রদ ;—একদিকে বিলাসিতার উজ্জ্বল চিত্র, অপর দিকে সৌন্দর্য্যের নিখুঁত বর্ণনার এমন অদ্ভুত, সংমিশ্রণ কবির অমৃত-ময়ী লেখনীমুখে সম্ভবপর হইয়াছে যে, তাহা পাঠ করিতে করিতে মনে হয়, কলিকাতা নগরী দূরে থাক্, লণ্ডন-প্যারিসও তাহার নিকট মলিন হইয়া পড়ে। ‘মণি-বিদ্রুম-বৈদূর্য্য মুক্তা বিরচিত’ তোরণ প্রাচীরাদির কথা ছাড়িয়া দিয়া, দুর্গাদির বিষয় পাঠ করিতে করিতে মনে হয়, লঙ্কা অনার্য্য-প্রদেশ বলিয়া কথিত হইলেও, তাহা কখনই অসভ্য নরমাংস-ভোজী Cannibal প্রদেশ হইতে পারে না।\* রামায়ণে লঙ্কার এইরূপ বর্ণনা দেখা যায় :—(১)

মহতী ব্রথসংপূর্ণা রক্ষোগণনিষেবিতা ॥১০

রাজিভিশ্চ স্নসংপূর্ণা সা পুরী দুর্গমাপটৈঃ ।

দৃঢ়বন্ধকপাটানি মহা পরিখচণ্ডিচ ॥১১

তত্রেষু-পলবস্ত্রাণি বলবস্তি মহাস্তি চ ।

আগতঃ পরসৈন্তং তৈস্তত্র প্রতিনিবার্য্যতে ॥১২

\* রামায়ণ পাঠে দেখা যায় সীতা রাবণকে অনার্য্য বলায় ইন্দ্রজিৎ রামকে অনার্য্য বলিয়াছিলেন। ইহাতে কেহ কেহ মনে করেন, তখন আর্য্য ও অনার্য্য শব্দ প্রচলিত থাকিলেও, অনার্য্য বলিয়া ভারতে কোন জাতি ছিল না। এখনকার স্থায় তখনও অনার্য্য কথা বোধ হয় গালাগালির ভাষাই ছিল। কিন্তু রামায়ণেই স্পষ্টতঃ উক্ত হইয়াছে,—রাবণ অনার্য্য নহেন, ক্ষত্রিয়।

১। লঙ্কাগাও ৪র্থ সঃ।

দ্বারেষু সংস্কৃতাভীমাঃ কালায়সময়াঃ শিতাঃ ।

শতশো রচিতবীরৈঃ শতশ্লো রক্ষসাং গঠৈঃ ॥১৩

দ্বারেষু তাসাং চত্বারঃ সংক্রমাঃ পরমায়তাঃ ।

বহ্নৈরুপেতা বহুভিমহির্ভির্গৃহপংক্তিভিঃ ॥১৪

ভাবার্থ।—লক্ষা বহু রথ-গজ-বাজিপূর্ণা দুর্গম পুরী । চারিটা মহাদ্বার  
মহা পরিধাবেষ্টিতা নানাবিধ যন্ত্রাদি, সেতু (Daw Bridge ?) জলপূর্ণ  
পরিধা উচ্চ প্রাচীরসমন্বিতা লক্ষা-পুরী ।

অগ্নিপু্রাণে লিখিত আছে যে, লক্ষাপুরী ত্রিংশৎ যোজন বিস্তীর্ণ,  
এবং ইহার প্রাকারসমূহ সুবর্ণ নিৰ্ম্মিত । \* এই স্থান অতীব রমণীয় ;  
নানাস্থান নীল, বৈদূর্য্য মণি ও পদ্মিনী সমূহ পতঙ্গ দলে আবৃত, আবার  
কোন স্থানে রজত ও কাঞ্চন নিৰ্ম্মিত বিমানসকল শোভা পাইতেছে  
এবং স্থানে স্থানে মুক্তাজালে সমাবৃত সুবর্ণগবাক্ষযুক্ত হেম ও রজত  
নিৰ্ম্মিত গৃহসকল বিত্তমান । মহাতেজা মায়াবী ময় দানব মায়াবলে এই  
কাঞ্চনময় বনভূমি নিৰ্ম্মাণ করেন । ১ (ইহার মহোচ্চ শিখর গগন স্পর্শ  
করিয়াছে, লক্ষানগরী পাণ্ডুরবর্ণ মেঘ সদৃশ সুবর্ণ ও রজত প্রাসাদ এবং  
বিমান সমূহে বিভূষিত ।) তথায় চম্পক, অশোক, বকুল, শাল, তাল,  
তমাল, পনস, নাগ-কেশর, হিঙ্গুল, অর্জুন, কদম্ব, খন্তর্প, তিলক, কর্ণি-  
কার ও পটল প্রভৃতি উদ্ভিদ জন্মিত । ২ এক্রূপ স্তমহতী পুরীর কথা পাঠ  
করিয়া, কাহার না ইহার ইতিহাসাদি জানিতে ইচ্ছা হয় ? আমরা  
লক্ষার সম্বন্ধে বতদূর জানিতে পারিয়াছি, তাহাই বলিতেছি ।

(ময় দানবের অপূর্ব কীৰ্ত্তি, মহাকবিবর্ণিত স্বর্ণ-লক্ষার ভৌগলিক

\* অগ্নি পুঃ কপিলদশন নামাধ্যায় ।

১ । কিষ্কিন্ধ্যা ৫১ সঃ ।

২ । লক্ষাকাণ্ড ৩৯ সঃ ।

অবস্থান লইয়া, বর্তমান ঐতিহাসিকগণের মধ্যে অত্যন্ত মত-ভেদ দেখা যায়। অনেকের মতে বর্তমান সিংহল বা সিলোনেরই প্রাচীন নাম লঙ্কা। আবার কেহ কেহ বা এমন কথাও বলেন যে, লঙ্কা বলিতে আর্য্যগণ যে জনপদ নির্দেশ করিয়াছেন, বর্তমান সময়ে তাহা অষ্ট্রেলিয়া নামে পরিচিত।) কিন্তু ইহার ভৌগলিক অবস্থান নির্দেশ করিবার পূর্বে আমরা একটি অবাস্তব বিষয়ের অবতারণা করার প্রয়োজনীয়তা অনুভব করিতেছি। (প্রাচীন গ্রন্থপাঠ করিয়া, আমরা বুঝিতে পারি পূর্বকালে ভারতীয় আর্য্যগণ দেশ বিদেশে উপনিবেশ স্থাপনব্যপদেশে পৃথিবীর নানাস্থানে পরিভ্রমণ করিয়াছেন। রামায়ণ ও মহাভারত পাঠে এই ধারণাই বদ্ধমূল হইয়া পড়ে। রামায়ণে প্রাচীন ব্রাহ্মণ ধর্ম্মাবলম্বী হিন্দুগণের বিদ্যাপর্ব্বত অতিক্রম করিয়া, দক্ষিণাপথে, অনন্তর ভারতবর্ষ ছাড়িয়া, সিংহল প্রভৃতি ভারত মহাসাগরের বিস্তীর্ণ দ্বীপসমূহে কার্য্যানুরোধে গমনাগমনের কথা লিখিত আছে। আর্য্যদিগের মধ্যে মুনিবর অগস্ত্য দক্ষিণাপথে গমন করেন। সম্ভবতঃ (৭) তাঁহার দ্বারাই তথায় আর্য্যসভ্যতা প্রতিষ্ঠিত হয়। তৎপরে তাঁহারা দক্ষিণ সমুদ্রস্থ দ্বীপ সমূহে যাতায়াত করিতে থাকেন। রামায়ণে তাহারই আভাস পাওয়া যায়। আর্য্যপ্রবর রাম ও লক্ষ্মণ সীতা উদ্ধারে তথায় গমন করেন। রামায়ণে লঙ্কার ভৌগলিক অবস্থানের এইরূপ পরিচয় পাওয়া যায়—মলয় পর্ব্বতের পরে, তাত্রপর্ণী নদী, এই নদী সাগরে মিলিত হইয়াছে। এই নদী উত্তীর্ণ হইলেই পাণ্ড্য নগর, ইহার পুরদ্বার সুবর্ণ নির্ম্মিত। পাণ্ড্য নগরের পরেই সমুদ্র, সমুদ্র পার হইয়াই সমুদ্রমধ্যস্থিত অগস্ত্য-নিবেশিত মহেন্দ্র পর্ব্বত দেখিতে পাওয়া যায়। ইহারই অপর পারে প্রভায়ুক্ত একটি দ্বীপ আছে, তথায় রাবণ বাস করেন।\* মলয় পর্ব্বতের

\* কিক্কিয়া কাণ্ড ৪১ অঃ ১৫—২৫।

নাম পশ্চিম ঘাট, এই পর্বতের যে স্থান হইতে তাম্রপর্ণী উৎপন্ন হইয়াছে, সেই স্থানকে অত্ৰাপি অগস্ত্যাঙ্গি বলে ।<sup>১</sup> তাম্রপর্ণী নদী তিমীবেলী প্রদেশের মধ্য দিয়া, সাগরে আসিয়া মিলিয়াছে । এই নদীর তীরে স্থাপিত রামায়ণবর্ণিত পাণ্ড্য নগরকে প্রাচীন আরব ও গ্রীক ভৌগোলিকগণ “কোলকে” ও “কোএল” এবং তল্লিকটস্থ সাগরকে “কোলকিকস্” বলিতেন ।<sup>২</sup> এই সমুদ্র পার হইয়াই মহেন্দ্র পর্বত । ঐতিহাসিকগণের মতে ইহাই সিংহল দ্বীপের মহিগুল পর্বত ।<sup>৩</sup> রামায়ণের সময়ে তাম্রপর্ণী নদীপ্রবাহিত ভূমিখণ্ড দক্ষিণাংশে আরও অনেকটা বিস্তারিত ছিল । এই নদী অতিক্রম করিয়া সিংহল দ্বীপে যাইতে হইত বলিয়াই পৌরাণিক কালে সিংহলকে তাম্রপর্ণ বলা হইত । সুতরাং দেখা যাইতেছে যে, সিংহল ও লঙ্কা দুইটী স্বতন্ত্র জনপদ । আমাদের পুরাণাদি শাস্ত্রেও এই মত সন্নিবেশিত হইয়াছে ।<sup>৪</sup> সিংহলের অন্তর্গত লঙ্কা নামক পর্বত থাকায়, অনেকেই সিংহল ও লঙ্কা একই জনপদ বলিয়া মনে করিয়া ভ্রম করিয়াছেন । যাহারা এই যুক্তির দ্বারাই আপনাদিগের মত প্রতিষ্ঠিত করিতে চান, তাঁহাদিগকে এই বলিলেই যথেষ্ট হইবে যে, সিংহলের লঙ্কা ব্যতীত কাশ্মিরেও লঙ্কা নামে একটি দ্বীপ দেখিতে পাওয়া যায় । সুতরাং ইহাকেও রাবণের লঙ্কা বলা যাইতে পারে ।<sup>৫</sup> ফল কথা, কেবল নামের মিল পাইলেই প্রাচীন জনপদাদির অবস্থিতি নিরূপিত

১ । Caldwell's Dravidian Grammar. Intro. P. 48.

২ । লেসেন সাহেব বলেন ইহার বর্তমান নাম মান্নার উপসাগর ।

৩ । বিশ্বকোষ ১৭শ ভাগ ১৪৬ পৃঃ ।

৪ । মহাভারতে সিংহল ও লঙ্কার স্বতন্ত্র উল্লেখ আছে, যথা—সিংহলান্ বর্কবান্ স্নেচ্ছান্ যে চ লঙ্কানিবাসিনঃ । (মহা ৫১ অঃ ২২ ।)

৫ । J. A. S. B. Vol. XXXV. Pt. I, P III.



হইতে পারে না । উভয় স্থানের ভূতত্ত্ব, চতুর্দশ প্রভৃতির সহিত বর্তমান নির্দিষ্ট স্থানাদির ভূতত্ত্বাদির সৌসাদৃশ্য হইলে, তবে মতামত জোরের সহিত দেওয়া যাইতে পারে ।

ব্রহ্মাণ্ড পুরাণে লিখিত আছে যবদ্বীপের পর মলয়দ্বীপ এবং মলয় নামক দ্বীপেব অন্তর্গত পর্বতের সান্নিধ্যদেশে লঙ্কাপুরী । ৬ রামায়ণে লঙ্কা-পুরীর আর একটি নাম সুবর্ণ-দ্বীপ । রামায়ণে এইরূপ সুবর্ণ-দ্বীপের ভৌগলিক অবস্থানের কথা পাঠ করা যায় । যথা,—

যত্নবস্তো যবদ্বীপং সপ্তরাজ্যোপশোভিতম্ ।

সুবর্ণরূপকদ্বীপং সুবর্ণকরমণ্ডিতম্ ।

কিষ্কিন্ধ্যা ৪৯।৩.

ইহার দ্বারা বেশ বুঝা যাইতেছে যে, যবদ্বীপের নিকটে সুবর্ণ ও রূপকদ্বীপ । যবদ্বীপই বর্তমান যাবা । পূর্ব উপদ্বীপের অন্তর্গত শ্রাম দেশের দক্ষিণ-দিকস্থ ভূখণ্ডকে মলয়প্রায়োদ্বীপ বলে, উহা যবদ্বীপের পশ্চিমে অবস্থিত । রামায়ণে এই মলয় ভাষার উল্লেখ আছে । এই মলয়ভাষী জাতিগণই যে রামায়ণে রক্ষঃ বা রাক্ষস নামে অভিহিত হইয়াছে, এরূপ অনুমান করিবার কারণ আছে । এখনও যবদ্বীপের নিকটবর্তী ফ্লোলিস দ্বীপে এক প্রকার ভীষণ কৃষ্ণবর্ণ জাতি বাস করে, তাহারা রক্ষ বা রাক্ষস নামে পরিচিত । ঐ দ্বীপের মধ্যেই লরাস্তক নামে একটি নগর আছে, তাহা সংস্কৃত নরাস্তক শব্দের অপভ্রংশ মাত্র । এই দ্বীপের নিকটেই এখনও রাম, লক্ষ্মণ, নীল প্রভৃতির নামে বহু কীর্তি বিদ্যমান আছে । “উক্ত প্রমাণ দ্বারা বোধ হয় যে, রাবণের রাজত্বকালে সেই গণনাভীত সময়ে লঙ্কারাজ্য বর্তমান সুমাত্রা প্রভৃতি দ্বীপপুঞ্জ হইতে আরম্ভ করিয়া

মাদাগাস্কার পর্য্যন্ত বিস্তৃত ছিল । \* হিন্দুগণ সুমাত্রা দ্বীপে স্বর্ণ আহরণের জন্ত যাতায়াত করিতেন । এবং নগরের সংস্কৃত নামাদি আজিও হিন্দু-প্রাধান্তের পরিচয় দিতেছে ।

এই লঙ্কায় রাবণ বাস করিতেন । তাঁহার দ্বারা ত্রিলোক দ্রাবিত ও ভীত হইত বলিয়াই তিনি রাবণ নামে খ্যাত । তিনি ব্রহ্মার প্রপৌত্র ; তাহার পিতার নাম বিশ্রবা । সীতাদেবীর অপহরণ জনিত কলহের ফলে রাম-রাবণের যুদ্ধে তাঁহার পতন হয় । রামায়ণে লিখিত আছে যে, রাবণ নিহত হইলে অন্তরীক্ষে শুভশূচক দেবত্বদুর্ভি বাদিত হয়, নভোমণ্ডল হইতে মনোহর ও অনন্তদূর্লভ পুষ্পবৃষ্টি পতিত হইয়া, রামচন্দ্রের রথকে বিকীরিত করে, এবং পৃথিবীর ভার হ্রাস হওয়ায়, পৃথিবী স্তম্ভা হন ।

কবে রাম-রাবণের যুদ্ধ শেষ হইয়াছে । বলদীপ্ত রাবণ বঙ্কল-সম্বল ধর্ম্মরূপী রামের হস্তে পরাজিত হইয়াছেন । ভারতের নরনারী সেই কাহিনী কণ্ঠস্থ করিয়াছে ; কিন্তু জগৎ আজিও তাহার মহতী শিক্ষা গ্রহণ করিতে পারে নাই । তাই আজি আবার অর্থবলদীপ্ত অহঙ্কার মুক্তি-পরিগ্রহ করিয়া ধর্ম্মের উপর, নৈতিক শক্তির উপর প্রতিষ্ঠা লাভ করিবার চেষ্টা করায়, প্রাচ্য সভ্যতার আদর্শের সহিত প্রতীচ্য সভ্যতার আদর্শের সংঘর্ষ উপস্থিত হইয়াছে, কিন্তু তাহাতে আবার ভারতীয় সভ্য-তাই প্রাধান্ত লাভ করিবে, এমন সম্ভাবনাও দেখা যাইতেছে ।

সম্পূর্ণ ।







